



吳越備史卷第三



武勝軍節度使掌書記范垺武勝軍節度巡官林禹謨

越中十九世孫德洪吳中二十四世孫受徽二十五世孫達道釋



文穆王

文穆王諱元瓘字明寶武肅王第七子也母晉國昭懿太夫人陳氏唐光啓三年丁未冬十一月十有二日生于杭州之東院先是有胡僧持一玉羊大可數寸光彩異以獻武肅王且曰得此當生貴子王果以丁未生焉乾寧元年二月授監鐵發運巡官奏授金部郎中賜金紫天復元年八月改授禮部尚書遷領郡州刺

史九月壬子王祖妣秦國太夫人水丘氏薨二年徐
綰許再思構宣城觀察使田頔同劾我壘頔敗率綰
再思回宣州慮我師逐之乃懇求質武肅王歷選諸
子不應命時王尚幼請行莊穆夫人聞之泣曰置我
兒於席口也王曰亡身以紓國家之難亦足以報劬
勞耳雖死無恨乃再拜而出武肅王竒而送之王自
北門躡繩梯而下以赴頔營比及宣城而頔叛于淮
帥淮師會我師以攻之頔每戰不勝歸必求王將肆
其毒頔母老且賢常加保護天祐元年十月我師與
淮人攻之甚急頔將出戰乃曰今日不勝必殺錢郎

其母目而送之且曰鼠輩死不旋踵矣是日果陷於
宛水橋爲亂兵所殺賊衆尚擾我師提頔首示之賊
衆遁散頔母遂奉王至我師衛而歸焉二年春正月
制授王檢校右僕射八月處州刺史盧約弟佶寇永
嘉開平元年正月武肅王命王伐永嘉四月斬盧佶
而還時盧佶列巨舟四十艘于清澳海門以邀我師
王謂諸將曰賊之銳卒盡在此矣宜勿與戰當
由他道徑襲賊壘出其不意必成擒也於師還承制
是由安固江登陸而襲之佶由是就執師還承制
改王內衙都指揮使檢校尚書右僕射冬十月授王
全紫光祿大夫檢校司空五年秋七月賜號王贊正
安國功臣進授司徒守湖州刺史乾化三年夏四月

淮將前吉州刺史李濤率兵二萬自千秋嶺寇我衣
錦軍命王率師討之王以山谷迂僻乃盡伐樹木絕
其歸路爲三覆以待之時江南國主徐知誥在賊中
與王騎相逼僅獲之俄而知誥易服乘白騾而竄壬
辰獲李濤及偏將咸知進等八千餘人兵甲生口稱
是是行也王營中有氣如龍布之五月命王復率騎
狀賊中望之曰此霸者之氣也
兵攻宣州廣德縣城未拔有登城詬辱我師王怒奮
擊之六月己卯城陷王手刃二百餘人籍藁而行獲
將花虔渦信及吏卒七十餘人而還先是有日者視
人當大貴時又有僧名自新常衣紙住廣德山院王
至衆皆遁而自新巋然晏坐軍中有詰其不去者新

曰前後左右皆兵耳去將安適時王在衆中新忽見
之乃歛衽奉迎與語久之及王還遂載而歸後王問
自新當時何以見識新曰微僧無他術但觀王在萬
衆中骨法獨異與咸通皇帝御容頗相類故幸得一
耳
冬十月勅授王檢校太保依前湖州刺史大彭縣
開國男食邑三百戶四年夏六月制授王特進光祿
大夫開國侯食邑一千戶秋九月命王率師攻常州
無錫縣丁未克之獲其將朱超等五百餘人而還貞
明元年春正月勅授王鎮海軍節度使土客諸軍都
指揮使湖州刺史如故三年夏六月制加王檢校太
傅增食邑五百戶五年春三月命王率水師大小戰
艦五百餘艘皆刻龍形自東洲發艦逕趨淮甸夏四

月乙巳大戰淮人於狼山江將戰之夕王召指揮使張從寶計之曰彼若徑下當避其初以誘之制勝之道也乃命軍中宿理帆檣每舟必載石灰黑荳江沙以隨焉翌日昧爽淮人果乘風自西北而下危檣巨艦勢若雲合我師皆避之賊舟既高且巨不能復上我師反乘風以逐之復用小舟圍其左右賊迴舟而開因揚石灰賊不能視及軸轆相接乃撒荳於賊舟我舟則沙烏戰血既漬踐荳者靡不顛踣命進火油焚之火油得之海南大食國以鐵筒發之水沃其焰剽銀而棄其筒則火銀歸其筒口脫為賊中所得必斬其將百勝軍使彭彥章獲土油下焉賊所有也

卒七千餘人賊船四百餘艘餘皆焚之其斬馘之甚自江及岷數十里皆殷焉淮師自是遂求通聘也是行也舟次狼山江之石碑灣有石幢大者其文曰向後有木龍五百至此秋七月王復戰於毗陵之無錫縣偏將曾雲奔于賊我師不利王騎逼高岷賊將追及乃舉策私誓曰天必助我馬當躍上不然則墜我于此馬果一躍而登岷既而復整行伍破賊而還冬十一月丁亥王妣吳越國莊穆夫人薨六年冬十月勅遣衛尉卿兼通事舍人陳琮授王檢校太尉同中書門下平章事充清海軍節度使餘如故龍德二年春正月勅王特進檢校太尉兼侍中加

食邑三百戶仍賜匡扶定亂立正至道功臣同光二
年冬十月制授王開府儀同三司檢校太師兼中書
令依前清海軍節度使兼充兩浙節度使觀察留後
遣進奉使婁輯將命焉天成元年四月武肅王不康
因如衣錦軍命王監國仍俾便宜從事武肅王至自
衣錦軍而中外無所專命武肅王嘉嘆久之九月制
加王食邑一千戶寔封一百戶一夕王夢神人賫骨
副易王之頂門及
醒尚敬三年春二月遣閣門通事舍人李韞授王鎮
疾焉海鎮東等軍節度使杭州越州大都督長史加食邑
一千戶寔封二百戶秋七月己巳忠獻王生初武肅
王將屬

王以冢嗣乃命諸子有功者數人謂曰爾無隱情各
言尔功以定厥後王凡中具軍節度使元璪王弟清
海軍節度使元琦寧國軍節度使傅環洎諸公子等
皆上言王功德高茂是宜委副故以兩鎮屬焉及武
肅寢疾一日命出玉帶五賜王兄弟命王先擇之王
乃取其狹小者武肅王大悅謂王曰吾有汝瞑目無
恨四年秋八月己酉今大元帥吳越國王弘倣生五
年夏五月制加王食邑一千戶寔封一百戶

壬辰長興三年春三月己酉大雪二十八日庚戌武肅
王薨王哀慟終日四日不食左右勸以粥夏四月己
未王即位悉用藩服之儀從治命也赦境內一應荒
絕田產尚隸租藉者悉免之中外班賚有差自今年
孟春洎
是月陰晦彌時至是月庚午奉武肅王靈輜殯于衣
是澄霽中外咸悅

錦軍之正寢秋八月楚帥馬希聲殂弟希範嗣

已四年春正月福州王延鈞僭稱帝更名璘三月勅
遣將作監李錯光祿少卿張裒來歸我先王之賜又
遣引進使揚彥珣授王起復雲麾將軍上金吾衛大
將軍員外置同正員王兄中吳軍節度使元璩檢校
太師兼中書令王弟清海軍節度使元璿檢校太傅
同中書門下平章事餘如故夏四月淮南僞客省使
許確百濟國太僕卿李仁旭各來祭我先王秋七月
勅遣郎中張綯授王中書令進封爲吳王是月番禺
僞左僕射何瑱亦來祭我先王九月勅遣侍郎張文

賢來宣諭

賢泛海而來被風壞船飄至天長吳主厚禮之及賞從者錢帛等數萬文寶獨受

飲食餘皆辭之吳

冬十一月明宗崩宋王從厚即位

是爲閔帝十二月庚戌寧國軍節度使同平章事檢

校太傅王兄元璣卒

璣王之庶兄也母慶安夫人胡氏公性氣寬厚沉靜寡言多尚儒釋不喜奢侈歷官數年黎庶安樂早矣夫人終不繼娶嗣乏是歲順化軍節度使

判明州王弟元珣召歸錢塘懲虐政也

甲應順元年春正月閔帝改元大赦勅遣鞍轡庫使

王延縞來宣告仍賜國信尋又遣散騎常侍孔昭序
駕部員外郎張縉冊王爲吳越王是月大雪平地五
尺壬午奉葬先王於茅山閏月蜀帥孟知祥僭稱大

蜀皇帝年號明德夏四月潞王從珂率兵入洛逐閔
帝而自立改元清泰六月勅遣給事中張延雍兵部
員外郎馬義冊王爲吳越王秋七月僞蜀孟知祥殂
子昶嗣

乙清泰二年春三月制授靜海軍節度檢校太保申
書令王弟元球守太師秋七月甲辰西方慶雲見重
建開元宮追福于先王也

丙三年春正月勅遣禮部尚書李懌戶部郎中姚澂
賈奉吳越王金印至歸舊物也秋七月勅建先王廟
于東府是月制授王部將保順軍節度使鮑君福檢

校太尉同平章事冬十月僞閩王昶殺其父延鈞而
自立年號通文閏十一月契丹立石敬瑭爲晉皇帝
于洛大赦改元天福潞王自殺十二月勅授王天下
兵馬副元帥

丁天福二年春正月朔日有蝕之勅遣供奉官周彥
環賜國信二月淮南以徐知誥爲齊王建國于金陵
是月己酉夜暴雨自西北起連日至壬子有海魚二
各長五十餘尺一死于桐廬一死于餘姚江三月靜
海軍節度使王弟元球順化軍節度使王弟元珣竝
有罪命死王許以公禮葬其麾下卒伍悉宥之

元球
元珣

數有軍功先王賜有兵狀及王立元球等恃恩驕橫
增置兵仗諸將吏告元球遣親信禱神求主具越又
為蠟九與元珣議謀王不信諸將復告王乃召元球
元珣之宮既至左右告元球等有必于懷袖即皆武
格殺之王欲按諸將有交通者姪仁俊諫曰昔光武
破王郎曹公破袁紹皆焚其書疏以安反側宜效之
王乃夏四月勅遣禮部尚書程遜兵部員外郎韋稅
封王為吳越國王仍賜天下兵馬副元帥金印甲午
王即位建國之儀一如同光故事仍赦境內今年租
稅之半是月晉主遷都于汴秋七月削削元球元珣
任身官爵任便處置八月辛巳王大閱于北郊是月
僞吳揚氏遜位于徐知誥戊申王新建五廟于城南
九月乙卯王親視五廟冬十月乙丑金陵徐知誥僭

稱大齊皇帝年號昇平

戊三年春正月朔日有蝕之二月乙亥丞相沈崧卒
崧字吉甫闕人也祖輅大理評事賜緋父超福州長
溪縣令崧初生時有大蛇墜床前引首視之久而方
去既七日將浴忽風雨震壞浴盆乾寧二年刑部尚
書崔超主禮闈凡二十五人登進士第渝濫尤衆昭
宗御武德殿命翰林學士陸扆秘書監馮渥親覆試
凡落十人是日崧再以章奏捷尋歸寧途由惟甸淮
帥辟之不就遂歸武肅歷鎮海軍掌書記授浙西營
田副使奏授秘書監檢校兵部尚書右僕射凡書檄
表奏多崧所出莊宗即位改元同光武肅王問其祚
修短崧曰觀此號為國不成止一口耳文穆王問其祚
置擇能院以選士俾崧主之國建冬十一月勅遣尚
書左丞王延司門郎中張守素賈捧吳越國王玉冊
及沿身法物等至

間曰唯天福三年歲次戊戌十一月甲辰朔五日戊申
建邦或貞茅而錫瓊乃樹藩屏式獎忠勳古先哲王
率由斯道惟朕薄德敢忽彝章况夫奠南服之奧區
鎮東甌之重地懋績雖高於列土殊榮未繼於肯堂
得不申加等之恩降非敷盛典咨爾與邦保運崇德
鏤玉之功臣天下兵馬副元帥鎮海鎮東等軍節度浙
志道西等使開府儀同三司檢校大師守中書令杭州
營口等使開府儀同三司檢校大師守中書令杭州
越州大都督府長史上柱國吳越國王食邑一萬五
千戶寔封一千五百戶錢元瓘嶽豐稟粹天象儲精
繡文武之兼才受乾坤之開氣既龍承吳越功邁桓
文運妙略以平定用奇兵而制變祇嗣基構表率英
雄壯志之屏氣銷聲海嶠之波澄浪息而况與我昌
運錫乃忠懇動膏而首列韓壇奉玉帛而誠先舉
貞語尊榮則躬標大節顧封崇則未稱鴻名宜舉
章保奉先正封允德全德是用異車服於群后盛簡
都存茲舊正二國之土疆錫九天之寶瑞表予嘉命
於列藩正二國之土疆錫九天之寶瑞表予嘉命續

乃舊邦大振家聲夾輔王室今遣使副中散大夫尚書
右丞上柱國賜紫金魚袋王延使副中散大夫尚書
司門郎中柱國賜紫金魚袋張守素持節備禮冊爾
為兵越國王於戲服袞衣而佩玄玉位壓於諸侯
其祇倚天光勉清國步往綬服位永孚于休戒之慎
前烈

十二月大閱馬步軍泊艫于碧波亭

己四年春二月勅授世子弘傳為果州團練使是月

偽齊徐知誥改姓李更名昇僭稱大唐昇本潘氏湖

父為安吉嘗將嘗因淮將李神福侵我吳興虜潘氏

而去昇遂為神福家奴徐溫嘗造神福家見而異之

求為養子至是乃隱本族而冒徐姓為後嘗致書於
我以毘陵求易吳興仍引務田為說則本潘氏明矣
秋七月朔日有蝕之閩王延義更名曦弒其主昶而

自立年號永隆八月戊申建世子府于城北是日白
龍見處州長松縣遂更為龍泉縣九月詔陞婺州為
武勝軍授王元懿為節度使是月保大軍節度使
同叅相府事陸仁章卒冬十月壬子吳越國莊睦夫
人馬氏薨夫人臨安人父緯淮浙行軍司馬雄武軍節度使同平章事夫人性聰慧勤於職初
武肅王禁中外母得蓄聲妓夫人以王胤嗣未立乃
請於武肅王王嘉之曰我家宗祀幸汝得主之矣因
許王納妾之生忠獻王諸子既長夫人皆均養之常
置銀鹿于帳前坐諸公子於上夫人閱其聚戲喜動
顏色初封越國至吳越國夫是月勅遣刑部尚書李
人薨年五十勅謚曰恭穆

一副十二月辛酉葬恭穆夫人于衣錦軍慶儼鄉

庚五年春二月甲辰温州刺史王子弘僕卒己酉閩

王曦遣兵擊其弟王延政於建州遂僭稱大殷皇帝

王命內衙統軍使仰詮都監使薛萬忠帥師伐建州

三月勅陞婺州為武勝軍又陞嘉興縣為秀州以嘉

興崇德華亭三縣隸焉壬申勅遣右諫議大夫高延

賞兵部郎中李元龜授王天下兵馬都元帥夏四月

癸卯鎮海軍行軍司馬兼侍中同平章事太尉鮑君

福卒君福字慶臣餘姚縣人祖興父璨俱不仕少為

忠臥其上而無畏色鄉黨異之及從軍以驍果稱初
事婁漢宏及武肅王東討乃與其黨歸降號曰白雲

都累從征伐有功能馬上輪雙劍入陣望之若飛
沉默少語軍中謂之鮑關尋為衛州應援指揮使屬
刺史陳章叛淮人入其境乃以淮師命辟為郡職君
福不納武肅間之慮其被害乃奔歸尋授衢州刺史
因與賊徒李元嗣飲伺其醉乃奔歸尋授衢州刺史
淮將信州刺史周本屢使其境君福每率教騎往逐
之本適去及將罷即武肅王勞曰比在任戰教而己
未足為副使優賀之道因復任之凡三考文穆王領
清海軍節制使浙西行營司馬奏授登州刺史保太
軍節度副使浙西行營司馬奏授登州刺史保太
順等軍節度使檢校太尉同平章是月甲子世子弘
事燕侍中第七十七議曰忠壯人鄭氏時王年將
傳薨弘傳王第五子也母魯國夫人鄭氏時王年將
大使果州團練使建及生特所鍾愛累奏授兩浙副
言曰何處有鹿脯將薨少題所居屏障曰四月二十
九日大會群仙凡題數處及期五月四星聚斗秋七
果薨年方十六歲追謚曰孝獻

月我師敗於建陽積雨乏糧故也八月以世子府為
瑤臺院冬十二月以忠獻王為內衙諸軍都指揮使

是歲姑蘇吳興嘉禾三郡大水

辛丑六年春三月丙寅勅遣太子賓客聶延祚吏部郎

中盧撰冊授王守尚書令夏五月番禺婁龔遣偽攝

太尉工部侍郎盧膺尚儀謝宜清尚衣高素清來逆

我故王弟傳璜之室馬氏以為繼室不克遣馬氏即

王駿之女也先是番禺亦聘馬氏既卒遂求其弟是

行也潭帥希範亦遣中軍使歐陽練與廣使俱至馬

氏誓不許六月寧國軍節度使同叅相府事仰詮卒

故不克遣秋七月甲戌麗春院火延于內城王遷居瑤臺院是
月閩王曦稱大閩皇帝八月辛亥王薨於瑤臺院之

綠雲堂年五十五在位十年贈謚曰文穆勅宰相和
凝撰神道碑七年壬寅二月癸卯葬于國城龍山之
南原王志量恢廓識度宏遠雖少嬰軍旅尤尚儒學
事武肅孝敬小心未嘗有懈武肅性既嚴急每一召
卽時須至或巾帶於步驟間乃置闊袴大襪以便之
晚年政事一委叅決簿書填委皆躬親批署手爲朕
牋復置粉盤于臥榻之首夜有所記必書其上詰旦
以備顧問時屬重盜賊及詐僞誹謗法犯者輒死王
皆力救之所獲宥者甚衆嘗北征師次平望蚊蚋尤
甚左右請施帷帳王曰三軍皆在此我獨何避竟不

許及續嗣之後示以明恕人情翕然內衙指揮使陸
仁章婁仁杞等早備武肅王爪牙以性剛愎爲衆所
惡而亦常以事侵王一日同列者皆率諸軍於國門
請王戮之王命姪仁俊諭之曰仁章等事死王有年
矣今求舊念功方當旌賞汝等遂以私憾使我戮之
我安可爲不報怨也苟不聽命我當歸臨安以避賢
路衆皆退懼遂授仁章福州刺史仁杞湖州刺史中
外有以封章相構者皆居中不下積而毀之王舅陳
氏歷職不過一戍過每加厚賜而未嘗遷授恭穆夫
人之弟馬充嘗以使役求免王廷責之遂下獄尋戮

於剡溪其餘遵守治命保慎名器烈祖之風爲不泯
矣

一日武肅王寢疾召將吏曰吾疾必不起諸兒皆愚
劣誰可爲帥者諸將泣曰兩鎮令公仁孝有功孰不
愛戴武肅乃出印鑰授王曰將吏推尔宜善守之又
曰子孫善事中國勿以易姓廢事大之禮王與兄弟
同幄行喪內衙指揮使陸仁章曰令公嗣先王霸業
將吏旦暮趨謁當與諸公子異處乃命主者更設一
幄扶王居之禁諸公子從者無得妄入武肅未薨時
仁章常以事犯王至是王勞之仁章曰先王在位仁

章不知事令公今日盡節令公猶事先王也王嘉之
王以遺命去殊儀用藩鎮法除民田荒絕者租稅王
於兄弟甚厚兄元璠自蘇州入見王以家人禮事之
奉觴爲壽曰此兄之位也而小弟居之是兄賜之也
元璠曰先王擇賢而立君臣位定當恭守霸業之自
爲玆重王因相與泣

論曰王以英毅之姿兼仁厚之德入田頔豺狼之
穴示亡身之慮破知誥蛇豕之群揚對敵之威奮
劍屢成大勳壓紐遂當慶嗣念功忘過崇德布政
然後聿修先烈光紹世官天子賴于元勳諸侯奉

爲盟主以稱克家之令嗣以號列國之賢君則形
弓緇衣不足侔其美矣

吳越傳史卷第四

武勝軍節度使掌書記范回武勝軍節度巡官林禹謨

越中元世孫德洪吳中二十四世孫受徽二十五世孫達道撰

忠獻王

忠獻王諱弘佐字亥祐文穆王第六子也母曰吳越
國仁惠夫人許氏王以天成三年七月二十六日已
已生于功臣堂初孝獻世子之居監撫也文穆王治
其府于城北將俾居之一日孝獻會王以采戲於青
史樓遽謂王曰君王方爲我營府署今與尔賭之比
及四擲而王遂得六赤孝獻失色從容曰五哥入府

諱當將符印之命因再拜孝獻竟怒擲散盆於樓下

俄而孝獻薨王授兩軍節度副使檢校太傅天福六

年秋八月諸將請誅內衙指揮使戴憚憚乃王庶兄

謀立私弟故請誅之免必消為庶是月王以遣命承

制授兩軍節度使九月庚申王即位于僖居堂赦境

內外班賚有差及租稅等丞相曹仲達攝政事是月

辛未王遷于思政堂命境內給復一年諸關梁禁制

悉從除減又命田園有隸道宮佛寺比入賦稅者悉

免之冬十月長星見十一月金陵來祭我先王是月

勅授王起復鎮國大將軍右金吾衛上將軍員外置

公正員鎮海鎮東守軍節度檢校太師兼中書令

吳越國王食邑一万户封一千户仍賜保邦宣化

忠正功臣是歲番禺劉英玘子弘晟嗣

壬七年春正月閩人來祭我先王二月癸卯勅葬先

王子危山之南原三月勅遣使大中大夫壽鶴來歸

先王之賜乙丑中吳建武守軍節度使廣陵郡王

世父元臻玘子之奉嗣元臻字德輝武南王第四子

軍宣武節度判官紫遷散騎常侍賜金紫尋屬軍旅

事乃改授馬軍所事括捍使天授二年徐惲叛全

元臻奉王于之抑濤武南以淮帥常請結姻好乃遣

之至潤州安仁義子知其非常將以其下十人易職

全武懼回賂閩吏中宵而去及抵邗溝指陳逆順之

耳即日遣使命願廷軍廣陵尋得婦而歸後累仁婦
業新定皆有功授卅尋遷蘇州刺史累勳於中書門下平車
制度使蘇常潤等卅團練使太傅全中書門下平車
事侍中書令在卅卅卅卅卅卅卅卅卅卅卅卅卅卅卅卅
大猷王即位以王先卅卅卅卅卅卅卅卅卅卅卅卅卅卅
之際今日之事宜先卅卅卅卅卅卅卅卅卅卅卅卅卅卅
之力疎倍伏曰大王功德高茂先三棒矣立能君臣
之分散忘忠順曰相顧慮注久而益攻尋奏勅封唐
陵即王封不及授命于柩前終士申制加王食邑
年五十六薨以王禮諡曰宣義
七千戶仍改賜保邦宣化忠正翎戴功臣夏四月漢
王真殂子珍立六月晉高祖崩少主重貴即位秋七
月王以內衙指揮使章德安李文慶為內衙左右都
監使冬十月以都指揮關燾胡進思為內衙左右統

軍使十二月己巳以龍山武功堂為文穆王廟

癸八年春正月癸未重建功臣堂二月晉主還京是
知月丙辰丞相皮光業卒光業字文通世為襄陽人父
官大常博士光業生於姑蘇十歲能屬文及長以所
業謁武肅累署浙西節度推官賜緋命入貢京師梁
後主特賜進士及第仍賜秘書郎授右補闕內供奉
賜金紫貞明中淮人來求好命光業聘之及還贈錢
三百萬復禁其出且曰可以市易光業曰我使介也
豈買豎也乃委置而去淮人亟載隨之梁主選武肅
子傅珣為駙馬都尉命光業如京師及回至靖海光
業舅氏滕文規為山陰令日暝遽見黃衣吏報曰皮
補闕今日已及靖海文規知東府事初光業旅遊會稽
觀察使文榜即位命規知東府事初光業旅遊會稽
神降千里卷光業往視之神秀才此土我語小神
皮秀才來神何不語答曰皮秀才此土我語小神
不當見之至是果驗國達拜丞相凡教令儀注多其
所定光業美容儀善談論人或以為神仙中人終年

六十七贈三月唐主昇殂子璟嗣年彌保大閔王延
諡曰貞敬政稱帝國號殷是月漢劉弘熙弒主玠而自立夏四
月朔日有蝕之秋七月王賤內衙都監使章德安于
處州李文慶于睦州冬十月勅遣使授王吳越國王

玉冊

冊曰惟天福八年歲次癸卯十月丙午朔六日辛亥
皇帝若曰在天成象拱辰分將相之星惟帝念功啓
土列侯王之國朕所以法昊穹而光宅稽典禮以疏
封而况世著大勳時推令器探寶符而嗣位杖金鉞
以宣威羽翼大朝蒞蘿東夏宜列諸侯之上特隆一
宰之功簡自朕心于與論咨爾保邦宣化忠正翊
載功原起後鎮國大將軍右金吾衛上將軍員外置
同正員檢校太師兼中書令杭州越州大都督充鎮
海鎮東等軍節度浙江東西等道管內觀察處置兼
兩浙鹽鐵制置發運營田等使上柱國吳越國王食

邑一萬七千戶寔封四千戶錢佐為時之瑞命世而
生員經文釋武之才蘊開物成務之志英華發外祖
義入神亞大繼社稷之勳顧榮擅東南之美眷言祖
德代有其人荷基構以克家事梯航而述職殊庸斯
在信史有光足舉舜章爰行盛典土茅符節方推翼
世之賢徹冕輅車更重策勳之禮斯為異數久屬真
王今遣光祿大夫檢校司徒行太子賓客上柱國太
原縣開國男食邑三百戶王玟使副正議大夫行尚
書吏部郎中柱國賜紫魚袋趙熙等持節備禮冊
爾為吳越國王於戲周寵元臣四履錫命漢封異姓
八國始王指河岳以誓功俾子孫而襲爵爾纂服舊
業朕考前文勿忘必復之言更廣
無窮之祚懋昭烈爾惟欽哉

十一月辛巳王駕遷于功臣堂是月癸未丞相曹仲

達率仲達臨平人也本名弘達避王名更之祖信知

平鎮將嘉興監事累贈司徒本歙州人尋歸杭州為父
圭浙江西道營田副使檢校太尉圭將生時信夢人

謂曰我當為爾子有二千石信語夢於鄉黨鄉黨不
能論皆賀曰生此子必致豐稔幸有膽氣乾寧中淮
人圖嘉禾圭與其族人不可圖也圭每與師魯登樓張樂
雖孤城中有貴人不可圖也圭每與師魯登樓張樂
縱飲矢石交至視之宴如也嘉禾平圭以功授蘇州
刺史開平間淮人復圖蘇州屬正月望夜師魯第盛
陳燒燈之宴賊之俘執者咸縱之觀圭終蘇州師魯
形短而足跛武肅嘗稱之曰今之宴平仲也人遂號
為曹宴嬰竟卒於鎮東軍都押衙仲達初生室有紫
光少時圭常節其衣食雖嚴冬尚未披緇品膳悉與
僕隸等之日令運覽圭在姑蘇時與仲達求婚於睦
陳詢及將逆上之曰陳是親必不就當聘他門由
是榮貴既而途由國城武肅王見而奇之乃以王妹
覺為累授台處二州刺史文穆即位岳諒聞命仲達
擢知政事國建拜丞相王即位復攝政事時大賚
中外諸軍軍中有言不均者輒舉仗不受賜諸將不
能制仲達論之因皆釋仗而致謝仲達性淳厚好施
與文穆尤重之常止呼丞相而不名終年六十二贈
諡曰是月納元妃仰氏相府事詮之女也

甲開運元年春正月壬寅丞相林鼎卒鼎字渙文閣
及生於州大隱村初刺史黃晟頗好禮士無隱
之有詩名嘗為詩云清二月江湖開花發于山道
路青如畫者以無隱必有貴子為初謁武肅以為
察押衙推尋為又稱王幕府之機王以其十行累薦
不見用一日復密薦之武肅王曰我觀林鼎骨法真
輔相器然或責者欲汝責之庶其盡心於法也文
德能書疏法比及中年夜讀書必達曙所聚圖書
悉由手抄其幾編憲簡亦手綴之無所厭倦國建乃
常教令尋拜丞相兼攝政事有八事累既切諫及師
行果不利皆之集行於世終年五十四諡曰貞獻三
月鴻闕王延義為其下指揮使朱文進所執而文進
自立復脩貢於京師是月勅授王落起復增食邑三
千戶寔封一千戶夏四月丙午王親祀五廟秋七月

辛未朔晉少主改元開運大赦是月以劉知遠為行
營都統九月朔日有蝕之南船務石井有物形如守
宮尾長七尺許鬣且角獲之置于安溪潭冬十一月
王命從兄東府安撫使仁俊為內外馬步都統軍使
弟弘保為東府安撫使閏十二月閩人殺朱文進尋
以僧巖明為主巖明姓車氏乃雪峰寺僧平素為家所重相與迎之遂立為帝未幾
為其下李仁達所殺而自立歸款金陵

乙開運二年春三月丙午王從祖順化軍節度使鏐

卒鏐字師英顯王之第五子武肅王之少弟也生而有文在其足曰正及長而滅既生而太師

武肅有之武肅請服通喪性多藝尤精音律次制軍校溫州二州刺史檢校太尉奏授恩州防禦

使之豫時授西浙行軍司馬拜命之日儀注特盛尋奏改本州團練使順化軍節度使終年五十三諡曰忠

簡夏四月晉主還大梁秋七月修武肅王廟于城西

奉旃檀神像而致焉八月朔日有蝕之是月金陵遣

將王建封克建州虜王延政而歸冬十月勅遣太子

賓客羅周岳右庶子王延濟冊王守太尉十一月朔

王大闈于北郊是月誅內都監使杜昭達內衙都指

揮使明州刺史闞燔庶人孫本賜死貶都統使王兄

仁俊本府安置杜昭達闞燔皆好貨富人程昭悅以

右愛持踰於舊將燔不能平昭悅權謀去燔為明州刺史

史古統軍使胡進思為湖州刺史燔謂進思曰出我

是葉我也進思曰老矣得大州幸矣何為不行乃各

受命既而復以他故留進思純軍使王子仁俊後母杜昭達之姑也昭悅因請婚昭達謀奉仁俊作亂下獄後銀鍊成之謀昭達與婦來仁俊之罪拷掠滿空溫其堅守不故吏慎溫其使證仁俊之罪拷掠滿空溫其堅守不

三年春二月朔日有蝕之三月勅授王東南面兵

馬部元帥增食邑二十戶寔封五百戶仍改賜推誠

匡運忠亮成德功臣秋七月庚寅吳越國夫人許氏

薨夫人丹立人也諱新川善音律之閑王從庭樂部

與雲掌書大子麗春院之佛堂頗有知人之鑒視夫

封吳越國夫人薨年八月重建天寵堂是月壬申葬

仁惠夫人于國城西山之原冬十月金陵攻福州節

度使李弘義遣客將徐仁宴李廷諤等求救于王弘

義本名達殺卓巖明而歸欵金陵金陵授之節鉞仍

編人屬籍更名弘義既而遣偽兵部侍郎陳竟使于

弘義竟還及建州又遣侍衛官碩忠以金陵偽勅使

之人覲弘義以其初不宣命至是方以書至不從竟

乃每監軍使馮延魯自建是月王命統軍使張筠趙

州兵師皆金陵之志也

承恭等率水陸兵三萬人以救无諸王福州乞師于

行諸將吏皆曰道路險遠难于師救內衙都監使水

立昭券以爲當救王曰啓止齒寒吾爲天下元帥曾

不能救隣道將安用之諸軍宜樂飽食安坐耶命水

元昭券專掌用兵程昭悅掌應援饋運而以軍謀委

益將士祿賜王弟弘億諫曰鑄鐵錢有八害新錢既

行則商賈不行百貨不通也銅禁至嚴民猶盜鑄

况家商賈不爲法回也國幸甚也

而亂止不足爲法回也國幸甚也

祿賜有常而死故益之以啓无厭之心六也法變而
繫不可遽復七也錢者國姓易之不祥八也王深嘉
之乃心是行也宿衛衣錦軍武肅王廟庭者聞甲馬
号令之声凡數多而心及接戰于閩淮人視王師周
過却野人皆天
十二月王命弟弘堪為湖州刺史
余蓋灵助也

丁卯四年春正月契丹主入東京称会同十年廢晋少
主為負義侯遷于契丹黃屯府二月庚午有雉集于
玉華撲辛未晋刘知遠称帝于河東国号大漢是為
高祖復称晋天福十二年己卯王誅内都監使程昭
悅釋東府仁俊罪三月庚寅今大元帥吳越国王出
鎮丹丘戊戌王遣將余安率水軍救福州大敗淮師
獲其將都指揮使楊匡業蔡過等偽東南向行營都

統王建封等走之擒戮裨將孟堅等拜餘黨二萬餘
眾器械數十萬李弘義歸附於我更名孺贊初志懿王之治
嗣城堂覺皆有我文曰北城終歸我氏忠懿頗惡之
因命劉去而我文愈明之臨口風吹楊葉鼓山下不
得我即也而罷至是皆驗是行也金陵歸罪於陳覺
馮延魯謂其專命而行也金陵始以覺為東南而招
討使延魯為監軍及其敗績反以專命為罪以贖恥
一何偷哉為君而偷復歸罪於下其喪師也不亦宜
乎夏四月李孺贊遣弟孺賓來請入覲從之五月我
師凱旋王饗將帥于光册堂賞賚有差是月勅授王
諸道兵馬都元帥增食邑五千戶寔封五百戶仍改
賜資忠緯武恭懿翊戴功臣是月楚王希範殂弟希
廣嗣六月乙卯王薨于咸寧院之西堂年二十在位

七年勅諡曰忠獻八月勅葬龍山之西原王英明果斷權變不測初嗣位尚少溫柔好禮恭勤政務發摘姦伏人不敢欺諸校驕恣者能優容之及被譴皆不知覺兵籍使錢承德家火俯適內城命親軍援之王登而望有伺便攘竊者亟命斬之衆因悉力火遂滅淮人之攻圍也李孺贄來求援諸將議將不從王因集而詢之果同其說王變色曰唇亡齒寒春秋明義吾為天下元帥執大兵柄豈不能恤隣難乎諸將躍馬肉食不能為我身先耶有異議者斬及大舉遣將誓師辭令明肅衆皆踊躍承命既而果成大功開運

中將益車徒弓下命募軍中及民間子弟而踰時無應者乃命大紂之令曰紂而得之者糧賜皆蠲半翌日投書者兩集遂加精訓南方之捷多其力也民有獻嘉禾者王問倉吏蓄積幾何對曰十年王曰然則軍食足矣可以寬吾民矣乃命有司復其境內租稅三年

論曰王岐疑之姿雖由天縱續嗣之日方屬眇年帑藏因回祿之初將校兢陸梁之志故能恭勤庶務紹開霸圖有果斷之名無酣嗜之累以至興復宮室開拓土疆光有大功聿脩厥德而享祚非永

孰不哀哉

忠遜王

卅

忠遜王諱弘綜文穆王第七子孝獻世子同母弟也起家內衛指揮使檢校司空開運元年冬十一月出為東府安撫使累授檢校太尉尋拜丞相開運四年六月丙寅即位于天冊堂是月晉主入大梁改號曰漢秋七月閏帥李孺贊來覲是月庚子有雉升于天冊堂之戰鬥旋歷廊廡久而獲之閏七月王命李孺贊復任無諸王親饒于碧波亭八月葬忠獻王于都城西原冬十月今大元帥吳越國王至自丹丘十二

月李孺贊復貳于我王命東南面安撫使鮑偕讓等攻討擒而戮之己酉傳首國城是月命丞相吳程知福州威武軍事庚戌內衛統軍使胡進思指揮使諸溫針滔等以內衛兵遷王于義和後院諸將校率衆迎今大元帥即位為自忠獻王時諸校驕慢雖旋加誅殛而在位者皆優饒遇之及王繼嗣性既嚴急誅抗越侮法吏三人而統軍使胡進思恃迎立功干預政事王惡之每有僭越必顯責讓進思頗憂懼不自安屬內衛指揮使何承訓希旨請誅之又謀於都監使水立昭券昭券以進思黨盛難制請於王且容之

王猶豫未決承訓懼反以謀告進思進思遂亂率親
兵戎服入見王叱之不退捧愕入義和院進思鎖其
門矯稱王命告中外曰王猝得風疾傳位于弟因帥
諸將迎今大元帥於私第且言於丞相元德昭德昭
至立於簾下不拜曰俟見新君進思等亟出褰簾德
昭乃拜進思稱王命承制授元帥元帥曰若全吾兄
乃敢承命不然當避賢路進思承之元帥始視事於
是進思殺水丘昭券進思妻曰他人可殺昭券正人
君子也奈何殺之初遜王將即位近侍陳禹嘗夢以
金鈿鑪承日輪加遜王之頂而手持二鑲未幾墜地

既而以夢語人人曰汝主將有非常之事然其二鑲
不過二十旬耳及即位又以黃金一鎰命近侍袁文
昌鑄巨錢文昌意其求識且惧不就乃宿謀於匠者
別鑄一以為僞翌日以所授金鑄之遜王臨視果不
就因潛以宿鑄者獻至是皆驗其屯後廢王堯請謚
曰忠遜以王禮葬會稽秦望山之原

吳越備史卷第五

武勝軍節度使掌書記范涇武勝軍節度巡官林為讓

越中十九世孫德洪吳中二十四世孫受微二十五世孫遠道校梓

大元帥吳越國王

王名俶字文德文穆王第九子也母吳越國恭懿太夫人吳氏王以天成四年歲己丑八月二十五日生于功臣堂天福四年十二月承制授內衙諸軍指揮使檢校司空忠獻王累授王特進檢校太尉開運四年春三月庚寅出鎮丹丘即台州也下車數月有僧德韶語王曰此地非君為治之所當歸國城不然將不利

矣王從其言即求歸秋九月甲戌發白丹丘歸觀也
是日大風東南有雲如樓閣之狀識者異之冬十二
月內衙統軍使胡進思指揮使諸溫針滔等幽廢王
于義和後院乃召諸大校及諸率中外軍庶迎王于
南郊時王見府僚將校於帥府之外簾謙讓者三
諸將校以王素百德望俯伏稱賀即日王以鎮海鎮
東等軍節度檢校太尉兼侍中蒞事于元帥府之南
序
戊乾祐元年春正月辛亥朔漢王南郊大赦改元是
月乙卯王即位于天寵堂赦境內租稅班賚有差天寵

堂即志獻王重建建于廢王
不克遷徙至是而王臨位焉自前年季冬決于正旦
陰晦彌月是日雲物澄霽中外人情胥悅壬戌遣將
兵奉廢王于衣錦軍丙子漢王崩少王承祐即位二
月辛卯王親祀五廟乙未誅內衙指揮使何承訓懲
其反覆中外大悅承訓誅承訓預其
即位復請誅進思王
懲其反覆立命斬之三月勅遣中書舍人張誼來歸
忠獻王貽丙寅內衙統軍使胡進思請誅廢王王不
許於是進思憂懼而卒先是王遣都頭薛溫領親兵
心衛護吾兄若有異事當死拒之至是進思請誅不
遂乃詐以王命令薛溫害之溫曰僕受命之日不聞
此言決不敢妄發也進思乃夜遣二賊踰垣而入殺
刺廢王廢王闔戶大呼薛溫聞之率衆而入夜二賊

覽二賊于中庭至是進思問二夏四月大閱馬步六
賊元曼懼不二日發疽而死月朔日有蝕之冬十一月下令以每歲祖賦逋滯者
悉蠲之仍歲為著令百姓歌舞焉

己二年春二月匡武都連名輒舉求職王命斬狀首
二人坐黜者二十餘人餘宥之三月勅授王東南兵

馬部元帥鎮海鎮東等軍節度使浙江東西等道管

內觀察處置兼兩浙鹽鐵制置發運等使開府儀同

三司檢校太師兼中書令杭州越州大都督上柱國

吳越國王食邑一萬戶寔封一千戶仍賜庄聖廣運

同德保定功臣夏四月太白晝見是月乙亥城西上

清宮災五月內衙指揮使斜湏以罪黜于處州六月

甲申日有蝕之秋七月朝廷命擒河中府李守貞

貞之叛求援金陵偽齊王景達率兵是月王命弟弘

應之未几守貞就擒淮人壓境而退

德為明州刺史冬十月勅遣散騎常侍張煦守持節

脩禮冊王為吳越國王仍賜玉冊金印法物等

冊文曰惟乾祐二年先帝次乙酉十月庚午朔十九日

戊子皇帝君曰我先帝承有晉嗣龍之徒醜虜充

斥毒孽中夏是順天致罰大極黎元太阿一揮翊

馬宵遁享万灵于無主解先訓嗣位之始即時懋
吳越居右伊朕躬末度奉先訓南之境得行征伐命
前命為元帥按地圖授武節象南之御益荒王守詢
冊為真王駕大輅執桓圭牛斗之御益荒王守詢
有任金曰克諧咨爾匡聖廣運全德定功臣東
由兵馬都元帥鎮海鎮東等軍節度使浙江東西等
道管內觀察處置兼兩浙鹽鐵制置發運等使開府儀

開府儀全三司檢校太師兼中書令抗州越州大都督上柱國共進王食邑一萬戶寧封一千戶承家者六十年而能望辰極以駿奔奉天朝之師律免庭納貞則外府告盈下瀨宣威則羽節欵捷忠信君子也朱翰馳馬于王一方故始其器也而王之服昭其列上分疆有民人為之社馭馬馭祖稱之全固寔典禮之鉅者功天忠孝以仰邦家今遺正設大夫守右散騎常侍上柱國賜紫金魚袋張煦左補闕崔頌持節備禮而為兵越國王子戲品秩甚尊名教尤重肅廣庭而倫物練寺日以單思爾其正厥位事大以敬款氏以自馭衆以思神其福之禮曰惟王建國諸侯充緒乘為漢潘浙江如帶稽小如妨福祿先官貽厥百世汝往欽哉對揚我休命

是月內衡指揮使諸溫以罪黜于温州是歲下令以境內田畝荒廢者從民耕之公不加賦時王暮民塗

租稅由是境內並無棄田或有請糾遺丁以增賦王命杖之國門民皆大悅

庚二年春二月金陵以偽永安軍節度使查文徽取福州遣劔州刺史陳誨泉州刺史留從効率兵犯我

無諸王命指揮使潘審燔率師禦之逐生擒查文徽

及行軍判官楊文憲等三十餘人斬馘萬計陳誨洎

從効等走之請公為帥文徽信之乃遣陳誨率水軍

下閩江文徽自以步騎繼至城下閩州刺史吳誠詐

遣兵數百出迎文徽曰疑則生變不若乘機據其城

立寨徐圖之文徽曰疑則生變不若乘機據其城

乃引兵徑進誨整衆鳴鼓還于江湄吳誠與潘審燔等勒兵擊賊大敗之遂執文徽等士卒戰是月甲午溺死者一萬餘人陳誨等率親部而遁

丞相中書令鄖國公杜建徽卒建徽字延光新登

水部員外郎父校贊忠去偽功百兩浙行軍司馬鎮
海軍節度副使常潤二州刺史初八都建陵率平鄉
以武安為號時武肅王輔董庶人起石境鏖於平鄉
漢宏功業寢盛校謂諸子曰吾每責人不過十罰則
為之傷心而觀錢公每有新決皆談笑自若成大爭
者是人也常事之必賞吾族校遂歸于我光啓三年
金征薛湖平之遂為常州尋遷潤州乾寧中安仁義
通東陽命校平師討平之及武肅王以宣州降卒隸
中軍號武勇都前後左右皆無賴校常患之乃密疏
曰浪子野心校觀武勇將士終非大王所畜願以士
人代之武肅王不聽及徐縮叛命使祭之旌其先見
徽即稜子也少強勇不與諸弟類嘗於由庄構小芥
齋輒私署軍州押衙紀於棟鄉里見焉驚因聞於稜
稜亦加責徽對曰大丈夫何止一軍事押衙耶始從稜
軍無事人之志及稜歸武肅王乃從父命而盡心於
我稜在常州與淮人所逼徽馳赴父難不及境而城
已拔徽尤稱之徽崇征伐皆單衣入陣賊眾無不披
靡所至輒立大功軍中謂之虎子乾寧初從征董庶
人披射中肩徽亦能軍開平中與武肅王弟鐸率師

救姑蘇每敵過因逼河梁上斷乃鞭馬控渡及岍
馬斃遂塗之號曰馬塚至今存焉徐館木焚北門徽
新登以本部赴難因命守禦時賊將聚木焚北門徽
使持火鉤取其木先焚之遂不得聚賊計遂罷時有
功上東保命于賊耳武肅王納之睦州陳詢之戴我
東渡亦售命于賊耳武肅王納之睦州陳詢之戴我
也王以微為詢姻嬖顯疑之乃使馬綽詢其意微曰
陳氏負恩背義自貽覆族之禍微既姻嬖義當見疑
然累書以諭之皇天后土苟或鑒照則援城獲書方
明徽心耳微有睦州廳吏來降持微所遺書至武肅
王嘉嘆久之賜微錢一萬石或鑒照則援城獲書方
肅言其第中蓄兵伏將為異國王使人聞之微方食
使者強抵微臥內微於城南王親身規畫微性儉率
悟益加殊待及構第於城南王親身規畫微性儉率
出人導徒不過教人凡財物多散鄉里親族武肅王
每會王人必指之曰此杜丞相多散鄉里親族武肅王
忠獻王時其孫昭達為內衙都監使盛治第宅務微
現之曰乳臭兒不語事乃爾後昭達果以罪誅及春
秋高尚能騎射嘗從擊毬于廣場與酣有宿中箭
自臂中飛出人皆壯之微為詩自叙曰中劍斫耳

被箭射脾過為將須有膽有膽即元價初授將止散
家財與諸子惟微但受一笏曰此我歷任所棄者
唯汝能傳之微歷官自武安都將國子祭酒至程源
昭化等軍節度使累官吳越國丞相兼中書令封鄖
國公皆自國初至忠獻王以來奏授也凡子弟孫姪
多連姻公室朱紫車馬充溢門庭有國以來莫比其
盛卒年八十三月勅授王守尚書令增食邑二千戶
八謚曰威烈

寔封五百戶夏四月王以查文徽等獻于五廟國人
為之聳觀先是征伐以來擒獲維衆是月丙午王親
向獻俘之禮至是方備

享五廟六月勅授王兄東府安撫使弘儼知福州威
勝軍事秋七月戊寅命弟弘億為東府安撫使冬十
月王歸查文徽于金陵十一月朔日有蝕之乙酉漢
少主遇弒是歲渾帥馬希廣為其兄希萼所攻殺而

自立臣于金陵金陵遣將邊鎬守之盡遷馬氏之族
于金陵是月漢太后臨朝

辛廣順元年春正月丁卯周太祖即位改元大赦漢
太后遷居西宮三月制授王諸道兵馬都元帥加食
邑一千戶寔封三百戶仍降尚書令冊禮夏四月王
奉廢王居東府即越州王蒙宮室治園圃花卉山石
池塘亭苑奉廢王日娛悅之歲時供

續夏六月丙午武勝清海等軍節度使王世父元
懿薨以其子仁放嗣元懿字秉徽武肅王第五子母
李氏懿有燕領之相起家鎮海

軍在直都知兵馬使尋授安國衣錦軍務遇指揮使
累授檢校兵馬尚書懿性至孝而純直其母嘗侍武
肅王指令不稱旨被捶自是成疾每疾發侍婢多厭
倦惟懿不離左右雖糞溷亦親侍之常在衣錦城出

遊諸野過萬蒲花尋收之新定一日閭里間輒教處
火起民頗憂恐有巫揚韞因之遂與妖言曰某日某
所復當火皆如其言民由是競禱之懿謂左右曰火
如巫言巫為明也宜投之以息其奸於是命斬輶於
市火遂絕貞明中自新定判東陽東陽之南有白砂
神郡人畏而奉之每歲三月有大海風雨自白砂起
郡城或言神本海龍每歲一復東海為怪壞民慮舍
及郡臨郡夢朱衣言白砂王奉啓相國今以他遠將
由郡城王慮驚駭已由南山而去翌日風雨果如之
人皆異之頗喜遊宴彫飾之事文穆王因宴乃致欽
駕懿每飲酒及其半而傾于地文穆王因宴乃致欽
鑾于懿前意誠其事懿自是遂改累秦授賓賤二州
刺史清海武勝等軍節度使大傳同中書門下平章
事金華郡王終年六十六諡曰宣惠在郡三十年初
懿之為新定有卜士方氏時人號為龜精常數卜以
不經過至是月命復王從兄仁俊官爵
果如其言

壬二年春二月制授王天下兵馬元帥增食邑二千

戶寔封五百戶改賜推誠保德定邦致理忠正功臣

夏四月朔日有蝕之勅衢州刺史王叔元璜知福州

威勝軍事王弟弘偓為衢州刺史六月乙未王妣吳

越國順德太夫人吳氏薨夫人錢塘人諱漢月中直

奉文穆王恭穆夫人尤寵愛之夫人善胡琴性慈惠

而節儉頗尚黃老學居常被道士服餘皆布練而已

每開王決所政事有反重刑者夫人常頰蹙以仁恕

為言諸共將有遺授皆峻阻之及其入對多加訓勵

有過史者必面責之故諱吳終夫人之世不其驕恣

秋八月丁酉勅葬恭懿夫人于錢塘慈雲嶺之西原

九月甲寅朔丞相裴堅卒堅字廷寔吳興人父光

景歲能言休咎以紙大書急字以貽光庭不旬日果

延台州刺史大有政聲聖幼明敏善屬文及長有知

人之鑿事吳越同百善政條教百方累官禮部尚書中書令拜吳越同丞相終年五十六諡曰文惠冬十月朗州指揮使彭言姓紀武肅王舉兵逐邊錫克

復河南獻捷于朝廷朝廷以為武平節度制置武安等軍事因遷湖南節制府于朗州

三年春二月湖州所隸建州降卒鄭懷嵩等十一人以刺史散帑于資福寺遂率其黨二百餘人作亂

即日盡誅之三月勅授王起復鎮東大將軍左金吾衛上將軍員外置同正員王以兄弘儂為温州刺史

夏四月建報恩元教寺于城北薦王妣也王親閱內外諸軍非驍勇者咸停放之冬十月大閱馬步軍樓

艦於碧波亭十一月命弟弘仰為台州刺史十二月湖南王逵舉兵執朗州彭言囚之朝廷尋授王逵湖

南節制是歲東陽有象自南方來而陂湖而獲之境內大旱邊民有鬻男女者命出粟帛贖之歸其父

母仍命所在開倉賑卹

顯德元年春正月丙子朔周主祀圓丘改元是月周太祖崩晉王即位是為世宗夏五月辛巳王命鑄

王妣恭懿太夫人銅容二致于奉國金地二尼寺秋七月勅遣使加授王天下兵馬都元帥仍賜金印冬

十一月勅遣進奏使章思忠歸諭機事航艦不利思

忠溺焉是月北漢王俎子鈞立

乙卯二年春二月朔日有蝕之三月制加王食邑一千

戶寔封四百戶夏四月庚子王親祀五廟秋七月庚午有虹入天長樓樓在山水城之東王避寢于思忠堂九月王

復于天寵堂閏月丁酉世子惟濟生冬十月乙丑朔勅遣司空李穀率師伐金陵十二月王遣使入貢勅

王出兵會擊金陵是月王師渡淮

丙辰三年春正月車駕東征詔王以國兵分路進討是

月南擊塲門樓火金陵李景偕稱唐皇帝致書于京

師仍令偽皇太弟璩致書于統師李穀又遣偽宰相

孫盛等入貢二月王師入淮南靜海軍制置使姚彥

洪率家屬軍士戶口等一萬餘人奔于我是月王命

丞相吳程前衢州刺史鮑偕讓等攻毘陵命都指揮

使路彥銖等伐宣城命都指揮使羅晟等督水師次

于江陰應王師也既而勅遣殿直薛有光來宣諭仍

賜沿身衣冠法物三月我師克常州生擒刺史趙澤

偏將諸承向重霸等一百餘人遂班師時營田副使陳滿言於吳

相吳程曰周師南征舉國驚擾常州無備易取也吳

程如其言講於王從之丞相元德昭上曰唐大國未

可輕舉也若我入唐而周師不至能是月金陵遣其
偽燕王弘冀復擾淮南王命從弟蘇州刺史文奉為

應授都統使屯于本州備徵發夏五月乙酉建州刺史陳誨以小船沿溪而下福州指揮使馬進姚章等執於賊未幾誨亦宵遁是月車駕還京師六月王命兄仁俊知福州彰武軍事周改威武軍為彰武軍史失書秋九月癸卯王親閱于龍山教場冬十月車駕親征壽春是歲始括境內民丁益師旅也

丁巳年春正月始議鑄錢三月王師大敗淮人於壽春夏四月宣諭使薛有光航海歸于京師是月車駕還京師秋七月庚子王命弟弘信為衢州刺史八月勅遣諫議大夫尹日就至賜王生辰御服紅袍二副

冬十一月車駕復東征是月泉州刺史留從効請修貢于京師附我以聞詔從之

戊午五年春正月丁未前衢州刺史王弟弘偓卒偓字贊堯文穆王第十二子也母陳氏偓性仁慈事母以恭勤聞及為郡時屬歲旱部民將逐食於他郡民不忍別屋俱詣郡廳告白而去偓為之流涕具為政寬恕厚重王加友愛尤為及卒中外無不嘆惜終年二十五二月丁卯王師復維陽勅遣殿直趙誨來宣諭仍出樓艦于瓜步迎鑾長風浹等處王師欲濟江乃命上直都指揮使邵可遷路彥銖等帥艦四百艘水師二萬以會之江北諸郡悉平三月王不康丙午勅命翰林學士都承旨陶穀司天監趙修已賜王羊馬囊駝

每歲班賜自此始也是月金陵李景復稱江南國王
遣偽臨汝郡公徐遼宰相馮延巳奉表稱臣於行在
王師乃罷初金陵之將山附也王亦飛書以夏四月
辛酉城南火延於內城王出居都城驛詰旦烟焰未
息將焚鎮國倉王親率左右至瑞石山命酒以祝之
口不殺不德天降之災宮室已矣而倉庫儲積蓋師
旅之備寔所痛惜若盡焚之民命安仰天其鑒之乃
命從官伐林木以絕其勢火遂滅即日王見丞相以
下罪已之愷且曰吾旬月所苦尤至而災釁之餘遂
覺康裕中外聞之頓安丁卯王命弟弘儀復為東府

安撫使是月勅遣天下都軍頭周廣來宣諭仍賜邵
可遷以下及將士衣服有差五月辛巳朔日有蝕之
唐王去帝號奉周正朔六月戊寅前台州刺史王弟
弘仰卒仰之穆王弟十三子也母周氏仰善騎射通
政事寬簡終年二秋八月勅遣閣門使曹彬賜王兵
甲旗幟等冬十月乙巳王遷于思政堂是月南漢王
殂子鉉嗣
己未六年春二月甲申王遣丞相元德昭寧國軍節度
使吳延福入貢京師夏四月車駕親征幽并是月勅
陞湖州為宣德軍授王兄弘僊特進檢校太尉充本

軍節度使五月熒惑犯心六月癸巳周世宗崩少主
卽位秋八月制加王食邑一千戶寔封四百戶仍改
賜崇仁昭德宣忠保慶扶天翊亮功臣又勅王元妃
孫氏為吳越國賢德夫人王世子惟濬為鎮海鎮東
等軍節度副使檢校太保冬十月王重建功臣堂

唐建隆元年春正月癸巳今 大宗皇帝授禪大赦

改元封周少主為梁王勅遣賜來宣諭二月王但用

今名避廟諱也三月甲寅大慶堂成王舊邸也堂寬廣高

大凡一百間命勒碑文以記其事夏四月勅授王天下兵馬大元帥

加食邑一千戶寔封五百戶五月昭義軍節度使李

筠叛丁巳車駕親征六月甲午勅加吳越國賢德夫

人為賢德順睦夫人又授兩軍節度副使王世子惟

濬金紫光祿大夫檢校太保充節度使是月勅陞明

州為奉國軍授王弟弘億金紫光祿大夫檢校太保

充本軍節度使秋七月庚子潞州平勅遣通事舍人

武懷節來宣諭九月甲寅揚州節度使李重進叛

車駕東征是月王遣上直都指揮使孫承祐率師至

潤以相應之庚申王以寧國軍節度使王舅吳廷福

等有罪並除名配外郡延福等兄弟五人俱有異圖

以先太夫人同氣之故安忍置之於法言訖遂鳴咽
垂涕衆皆稱賀於是黜延福等於外郡以全吳氏

之冬十一月丁未揚州平勅遣通事舍人王繼筠丁
德裕來宣諭仍賜國信庚申勅遣西上閣門副使武
懷節來宣諭甲子王金衢州刺史從弟弘信入貢自
太祖革命五百貢奉即加常教太祖禮之亦與於常十二月戊辰車駕還京是
月王遷于功臣堂

二年春二月江南國主李景遷國于豫章三月勅
遣使丁德裕送王弟弘信回仍賜王戰馬二百疋羊
五百口駝二十頭夏六月甲寅豫章李景殂子煜嗣
位於金陵秋七月丁亥昭憲皇太后崩遣使來宣告
自五月不雨至於是月王命取龍湫于天台山以祈

雨九月始權酷冬十二月王命弟弘信復為衢州刺
史

三年春二月勅遣右殿直王蒼來宣諭仍賜國信
夏五月東陽信定新定三郡民災戊辰王遣使賑卹
秋七月壬戌大風拔木八月庚寅泉州留從効為大
將張漢思所殺漢思自稱權知清源軍事九月庚戌
夜所在地震響如雷冬十月庚寅勅遣上殿直景德
倫授西鎮節度王世子惟濬為邕州建武軍節度使
庚子勅遣西上閣門副使武懷節至以泉州張漢思
不廩朝命俾王責之翌日王遣使往責之漢思遂從

命為

癸四年春三月朔日有蝕之是月王師盡取荆湘之

地初番禹衡州刺史張文表從湖南朝廷援之遂就

並入于夏四月丁未泉州張漢思為西門指揮使陳

洪進所幽洪進歸命于王請命於朝進授洪進平海

軍節度使檢校太傅秋九月丁巳重建天寵堂壬申

大閱樓艦于西湖賜內外將校服帶有差冬十月甲

申獲巨魚於江濡長九丈六尺十一月甲子 太祖

有事南郊大赦改元乾德王命姪昱入貢勅遣引進

使丁德裕來宣諭仍加王食邑一千戶寔封四百戶

改賜承家保國宣德守道忠貞恭順功臣又加建武

軍節度使王世子惟濟檢校太尉十二月孝明皇后

崩勅遣使來宣告是月命姪郁為秀州刺史

子乾德二年春正月戊寅朔大雨震電二月戊申朔

日有蝕之三月制王落起復天下兵馬都元帥加食

邑一千戶寔封四百戶夏四月重建城南寶塔寺成

鑄武肅王文穆王忠獻王銅容供于寺秋八月庚申

王駕復天寵堂謂丞相以下曰頃以寡德遂貽災釁

曾未十年中外如斯寔宗廟之休公等之力然作之

者勞吾不敢忘更賴公等以輔不逮丞相以下咸稱

大慶冬十一月王師伐蜀王乃命親從都指揮使行軍司馬孫承佑等率師會焉

乙丑三年春正月乙酉西川平蜀王孟昶入于京師二月壬寅朔日有蝕之乙丑王命姪台州刺史昱入賀

秋七月有虎出於龍山北傷數十人捕之逾旬而獲

八月癸卯重建寶塔寺于城北是月勅遣通事舍人

張延通來宣諭仍賜生辰禮物甲寅丞相吳程卒

程字正山陰人祖可信定州唐縣令父此大順中登進士解褐歸水軍節度守書記右檢校戶部員外郎

書起家授書郎武肅王承制累授檢校戶部員外郎

借糾長典初王女將遂婚于士族乃以孟繁于孫登

程等三人見于王庭武肅王照視程乃遣之承制遷金部郎中借金紫以程有吏術因命提舉諸司公事

文穆王襲國奏授程為職方郎中觀察支使節度判官天福中文穆王子儼逢典睦州命程知州事忠獻

王時以程判西府院事尋拜丞相福州李孺贊伏誅

授程威武軍節度使乾祐三年淮人方薄閩城授甲於將

卒而將卒克濫庭無紛然不可遏程因登檻瞋目叱

之衆皆服粟自是軍政嚴肅程始在東越以父蔭不

事苦葦有謂程曰觀子骨法與羣儒類但恨他日登

將相不長談論耳程遂勤學文穆王時有西府院官

滕携嘗夢程化為赤龍望南方而去携因語其夢於

人曰吳氏子非我所測也及為福州始驗其屯尋以

國用繫廣乃命程兼掌屯田權酌事乾德初程夢一

羽人布策于前日計字之筭而所遺者冬十一月王

三果三載而卒年七十三諡曰忠烈

復為台州刺史

命從叔前知福州彰武軍事元瓚為睦州刺史姪昱

丙寅四年春二月乙亥宣德節度使同平章事王兄弘

偃卒 偃字惠連文穆王第八子也母陳氏起家內街
刺史有妖巫登衙門大樹恣為鬼神語州人皆驚畏
州人咸服偃明吏術能為詩頗有奇句王嗣位恭敬
尤篤顯德中王城災悉以器用服玩上之累奏授持
進檢校大尉宣德軍節度使建隆初勅授同中書門
下平章事終年三十八諡曰恭義先是四星隕于西
北月餘而身五月丙戌王從兄婺州刺史仁傲卒六
月初授王子內衙都指揮使惟治為容州寧遠軍節
度使金紫光祿大夫檢校太保九月壬寅王避正寢
于切臣堂計都入須女也癸卯王兄知福州彰武軍
事弘傑卒 傑字智仁文穆第二子也本名弘偁起家
年為東府安撫使洞曉政術吏不敢欺文穆王嘉之
賜金酒器一副因命兼領新定性情簡儉善騎射能書

有文而自誨福州初歸我將校有仇憾者率多相誣
謂左右曰人各有憾一啓之誣搆交生人相疑懼豈
國家推心懷遠之道也因悉不問閩人莫不感悅尋
鎮永嘉愈事清率所蓄聲伎悉做之每食不過鮑魚
菘菜而已顯德中嘗因入覲溫人謂其將代乃臥轍
阻之俟乃復伺夜出人皆宿於城門詰旦侍妾以藍
輦先出眾疑俟在其中遽擁而迴官吏具聞王命示
歸期人始疑焉溫人曰若徑投俟乃置簿書以均之
民感其惠多為俟懇奉命又俗尚淫祀俟皆鎖其祠
宇器玩以充公用及移鎮無諸溫人有携家以從者
謂之隨使百姓休出城日皆行啼巷哭曰願公早回
至是以神柩由溫江歸會稽二郡之民為之號踊
兩鎮無諸會稽一鎮永嘉通任二十余年承制冬十
累授檢校大尉拜丞相終年五十有四諡節惠冬十
一月甲寅命王弟信知婺州武勝軍事

丁卯五年春二月丁卯除睦州刺史元瓚知福州彰武
軍事戊辰王弟奉國軍節度使億卒 億字英世文穆

初學文穆王夢僧人寢帳及生故字日和尚起家內
街諸軍左右都虞候檢校左僕射性俊拔善屬文年
二十一出為明州刺史頗著善政凡科率舊制除出
之顯德中王命括民下將益軍旅州縣長吏因之多
所殘弊億乃手疏之辭理切直王感悟遂寢其事王
嘗與丞相以下論及時務且言民之勞逸卒由時君
奢儉回為詩二章以言節儉之志命億應和億以
方侯伯多獻淫巧乃因詩以風刺王嘉嘆久之仍賜
詩以美其意億嘗以息女許王舅吳氏子而諸吳驕
恣日益遂怒之自是不通時人稱其強正建隆初奏
授明州奉國軍節度使檢校大保末年夢金甲神告
其終期因會賓客飲酒每之訣寢疾三日而終年三
十九諡壬申勅祀禹祠于東府已卯王從兄温州刺
曰康憲

史仁俊卒三月五星聚奎

如連珠在降矣之兆也

是月建

武軍節度使檢校太尉王子惟濬入貢而還賫賜吳

越國吳德順夫人珠翠冠帔等夏四月辛巳命王子

寧遠軍節度使惟治兼判奉國軍事秋七月辛亥勅

授王承儀依前鎮東軍安撫使金紫光祿大夫檢校

太保冬十月王遣元帥府掌書記黃夷簡入貢是月

勅遣使至賜王生衣禮物十一月辛酉大閱于教場

仍宴將帥

六年春三月乙酉丞相元德昭卒

德昭字名連 仍宴將帥

仔倡之在信州也願傾心于我屬嚮莊作叛亦有持

角之力及為淮人而攻其下內叛遂奔于我武肅王

禮以賓席惡其本姓危氏乃更曰元司為錢塘郡德

昭起家鎮東軍節度使始在信州縣令累授睦州軍事

判官知台州縣亭監始在信州縣令累授睦州軍事

日昔指德昭曰獨此子非武官及季又其師授以文

休文穆泰因命林昂為丞相曰元德昭有輔翼之才

吾子孫無所愛矣逆字之翰忠獻王時南開國師凡
兵執細務惡以委之尋非丞相王即位禮過稱至德
昭厚重多謀臨事而不撓每屬采譽議者盈庭德昭
至則他論皆悉軍中自不訖理者德昭以事論之無
不所服性嗜酒雖醉無所忘事晚年衰耗王見之
謂左右曰吾向見德昭家色衰憊如一且不譚人誰
輔吾目注下德昭理家以孝愛聞每時序置酒杯列
几席者凡四徒索為詩云滿堂羅綺兼朱紫四代見
孫奉老翁及寢疾自為理之治後事終乙巳建奉先
寺于城西荐文考也夏六月戊午蘇州長洲縣民王
安妻產三子秋七月北漢主昶養子繼思嗣九月北
漢將侯霸榮弒其主而以繼元嗣壬辰知福州彰武
軍事元瓚卒瓚少強直好詩季武及長從征有功屢
授是任凡在麾下畏服朕明无有敢犯
禮以禮以此上下和睦卒年六十有七是月勅遣使賜王

生辰礼物冬十月辛酉命世子建武軍節度西軍副
大使惟濟兩浙行軍司馬孫承祐入貢助郊祭也十
一月癸卯 皇帝南郊大赦改元開寶十二月己酉
朔日有蝕之

大宋嘉祐元年丙申歲正月七日朝奉郎守尚書
刑部郎中集賢殿修撰知梓州軍州事兼管內橋
道使提舉戎瀘等七州賊盜甲兵專勾當納溪夷
人公事上護軍賜紫金魚袋四代孫中字寫

宋紹興二年壬子歲六月二十七日迪功郎前河
南府儀曹掾七代孫渙伏觀曾祖修撰所傳其越

脩史於蔡子發家遂取而歸復藏吾家焉在臨安府寶蓮山寺題

吳越脩史卷第五

吳越備史卷第六

越中九世孫德洪吳中二十四世孫受微二十五世孫達道授梓

補遺

舊本備史皆止於戊辰年而忠懿之事未終此卷不知作自何人蓋參本傳之秦王貢奉錄家王政事為之或以合於備史今重正之

大元帥吳越國王

開寶二年春正月制加王食邑三千戶寔封六百戶是月遼王明扈嗣位秋八月勅遣使至賜王生辰禮物并御衣紅袍一副金鎖甲一副及駝馬一百頭三年春三月王親饗五廟秋九月王遣子惟濟入貢是

月詔王出師伐富州王將起師尋以路遠詔止之四年秋九月勅遣使賜王生辰禮物衣冠劍佩等冬十一月 皇帝南郊制加王食邑二千戶寔封六百戶仍改賜開吳鎮海崇文耀武宣德守道功臣五年春三月建武軍節度使檢校太尉王世子惟濬貢奉歸賞賜吳越國賢德順睦夫人珠翠冠帔各一副秋九月王遣元帥府掌書記黃夷簡入貢 太祖謂夷簡曰汝歸語元帥當訓練兵甲江南偃強不朝我將討之元帥當助我無信人言唇亡齒寒王密表謝且請師期冬十月王親饗五廟復謁寶塔寺拜先王銅容

六年秋八月勅遣使賜王玉帶一條御衣一襲及生辰禮物冬十一月二日大雪雪氣如烟七年夏五月勅遣進奏使錢文贄賜王襲衣玉帶玉鞍勒馬各一事金器二百兩銀器三千兩錦綉一千段秋七月勅

詔王取常州

詔曰勅錢俶朕統御萬邦撫臨坻庶推至誠而待物期率土以歸心布惠行仁是予本志與師動眾非我願為惟被江南言修臣禮久被撫綏之化頗傾依附之心貢封章則惟見恭勤修外貌則多從減降既云事大每欲包荒甘言嘗信其赤心內稔豈疑其奸計而又疊傾誠款願降冊封既以禮分之未虧故我心之無間使人類至詞旨愈專是以特降近臣俾其畧來赴闕頒宣優厚恩禮殊隆何期終日包藏一旦彰露不惟多方託故懇避來朝而乃修葺城池運總軍旅教習戰陣抽點鄉兵為捍拒之謀作攻守之備朝廷

養寇垂二十年心狠貌恭突然自敗向晨為臣之禮
遠滋觀擊之方每云傾輸動影技詐既行問罪須至
興師今者禁衛出軍雲臺選將魁期攻取直抵昇州
卿任重統戎心專蕩寇况早者曾披章奏具述事宜
今驗茲究果符陳請開茲討伐必罄忠屢今候丁德
裕到彼住三五日可部領兵士起發且性攻取常州
毗倚之懷寤寐無已
故茲詔示想宜知悉

是月王密遣行軍司馬孫承祐入奏機事九月孫承
祐自京賫密詔回師期定矣王即日命境內訓練士
卒揀閱兵甲是月勅遣內客使丁德裕賜王生辰禮
物冬十月勅授王東南面招討制置使仍賜御劔一
口御甲一副金鞍御馬一疋仍命丁德裕為行營兵
馬都監又以雲騎雄捷等指揮步兵凡千人輔王進

攻常州是月庚申王親率鎮國鎮武親從上直等都
指揮使王諤等五萬餘人發自固城丁德裕為先鋒
使是日天氣晴和風色便順癸亥次嘉禾有氣黑色
形如覆舟當行府之上占者曰王氣也丙寅王率諸
軍入毗陵前鋒所至賊望風而遁有獲巨龜于旌門
之下占者曰玄武之應也戊辰王次毗陵遂克關城
常人以牙城自守王命營于九僊墩命親從指揮使
凌超等分營四門命鎮國都指揮使王諤攻江陰鎮
武都指揮使金彥滔攻宜興並率水艦由吳興出太
湖而進十一月詔遣弓箭庫使王文寶來宣諭仍賜

湯藥以金盒盛封至是月王遷行府于賊城南門金
彥滔克宜興獲其令尉等官士卒凡二百五十人馬
八十疋王即命金彥滔獻于京師十二月癸亥王親
率軍將攻拔城寨殺賊軍二千餘人生擒六百餘人
辛未又敗賊萬餘人於城北金陵大將盧絳宵遁是
先城中賊元金陵遣大將盧絳率萬
人長教元是敗之絳倖以自免翌日王命鈐轄使
沈承禮等並告于京師八年春二月詔遣內直使陳
理來宣諭仍以戎服五萬副賜王軍卒又賜王將帥
服帶器帛有差是月王親率大軍攻其壘不克夏四
月我師復大攻城壘特為知常州軍州事禹萬誠遣

觀察推官鄭簡降款于軍門且請命為王從其請禹
萬誠等詣行府待罪王賜以衣冠器帛等悉送于京
師以請命又命羊酒置其家以安慰之江陰寧遠等
軍沿江石橋等寨軍兵來降王悉宥之是月勅遣使
來宣諭授王守太師加食邑六千戶寔封九百戶仍
賜湯藥及沿身法物等五月詔容省使丁德裕權知
常州仍又遣勅上待禁李輝賜王襲衣玉帶玉鞍勒
馬各一專金器二千兩銀器一萬兩錦綵一萬段詔
王歸國是月王遣兩浙諸軍都鈐轄使沈承禮等率
兵會王師于金陵先是毗陵降人凡三千餘口至是悉分還本郡仍表奏之詔書褒焉

冬十一月我師克金陵為王李煜出降是日冬至軍中皆會飲承禮謂諸將士曰城中以我節序必有無事備我怠矣宜出其不意以圖之乃召敢死士千人以火攻其城而其東門士皆賈勇擊壘而上王師是月王乃表賀祝之亦攻其西塔色迫遂北降焉觀十二月王克金陵自功勳遣東頭供奉官徐靖賚賜王綵錦八對御衣一副金盃一頂金甲一副御酒一百瓶馳馬三百匹仍賜御札一通褒為又賜王麾下孫承祐為平江軍節度使沈承禮為寧海軍節度使又賜為防禦使者三人為刺史者六人賞克金陵之功也是月詔許王入覲焉

物後取者所差頗求軍支使王通今月二十八日走馬到關秦今月十五日為命知常州而萬誠等歸附已安撫城中事具悉帥位高上霸天付將才門專衛社之無世著勤王之節一昨親提銳旅取彼聖城勢成而此絕援無力盡而逆輸降執適塵寒暄之候遂為嘉賞不捨嘉典故九年春正月庚申王發自國城

先是太祖皇帝因王入覲勅遣供奉官張福貴淮

南轉運使劉德言開古河一道自瓜洲口至潤州江

口連龍舟堰以待王舟楫其堰連名曰大通堰又於

數坊棟宇宏麗儲峙什物供帳之類皆御王者賜名曰禮賢宅以俟王駐節焉二月辛丑王

次寶應勅遣引進使翟守素至賜王湯藥以金盃盛

之又賜金鞍轡馬二疋仍押御厨儀鸞翰林皆至焉

甲辰王次泗州勅遣內臣至賜馬三百匹馳一百頭以載行李辛亥又遣內司賓伯內臣至賜王夫人孫氏湯藥二金盒法酒五十瓶茶果五十盒是日次近畿 皇帝詔山南東道節度使興元尹 皇子秦王德昭迎勞仍賜法酒一百瓶果子一百盒翌日王至京師詔興元尹賜宴於迎春苑尋詔王居禮賢宅王未至前數日 太祖幸其宅躬自閣視其恩禮如此戊午王朝見于崇德殿進賀平江南及免朝覲表貢奉犀玉帶及寶玉金器五千餘事上酒一千瓶遂賜宴于長春殿中席就幄次賜黃金照匣黃金鈔羅及

餅盤等皆御物也己未王進謝詔宴于後苑丙寅駕幸禮賢宅賜金二千兩銀三萬兩絹二萬疋又賜王世子建武軍節度使惟濬及陪臣通儒學士崔仁冀等絹帛有差是日王遣世子又進通犀帶二條金玉寶器五千事三月制賜王劔復上殿詔書不名進封王夫人孫氏為吳越國王妃封王女為彭城郡君仍詔內臣賜王妃湯藥法酒茶果等五百餘事翌日宰臣上言異姓諸侯王無封妻為妃之典 上曰行自我朝蓋旌忠賢何必古也時又詔王宴於苑中獨太宗秦王侍坐酒酣 上命王與太宗秦王叙昆仲

之禮王叩頭陳讓再四翌日 太祖將幸洛陽詔王
歸國王慊請隨 駕詔不許唯留王子惟濟從行是
月王奉辭詔遣賜金器二千兩銀器一萬兩銀三萬
兩對衣玉束帶玉鞍轡御馬一疋細馬五疋綾羅錦
段共八萬疋戎裝器八百事散馬一百疋銜墜腰帶
絡縫衫等二千事又賜王麾下將帥等官錢帛有差
太祖謂王曰南北風土炎暑不同宜加調護卿可早
歸又親賜密封黃綾包袱一封謂曰卿至途中宜密
視之王涕泣進言願三歲一朝上曰川陸迂遠當俟
我詔旨即來次日王妃入辭中宮賜金器三百兩衣

着二千疋銀二千兩是月甲戌王離京師詔秦王賜
宴於迎春苑勅遣引進使崔守素押翰林御厨儀鸞
送至睢陽次日又遣入內小底乘驛至賜王湯藥二

金盒王妃湯藥一金盒戊子王在舟中再拜密開所

賜黃袱視之皆犀臣乞留王章疏也

王既入朝文武
宰臣等上疏乞
留王太祖知上意厚難回

夏四月丙辰王至國
城丙寅王命子惟治詣 闕謝恩即日王視事移座

于東偏謂左右曰西北者神京所在天威不遠願悉

尺其豈敢寧居乎五月 太祖郊畢制加王食邑三

千戶寔封一千戶秋八月初遣進奏使汪知果至賜

國信及生辰禮物冬十月 太祖宴駕太宗即位大

赦改元太平興國勅詔以封命諭王以廷美為開封

為永興節度討武山又勅遣侍御史雷德驥來告哀

王率府僚將校等發哀王二日不食十一日不視事

十一月王遣元帥府衙內都指揮使王子惟演賫通

天犀帶一條金器五百事代瑁器五百事塗金銀香

龍等臣萬詣 闕以為賀是月勅遣樞密都承旨武

玘制加王食邑五千戶寔封一千戶仍賜龜魚寶帶

襲衣等是月吳越國王妃孫氏薨興國二年春二月

勅遣給事中程羽來歸王妃之明諡王妃曰 夏

五月王下令以文軌大同封疆無患凡百禦敵之制

悉命除之境內諸州城有白露屋及防城物亦令撤

去之秋八月詔遣翰林學士都承旨李昉賜王生辰

禮物是月王遣西軍節度使世子惟濬入朝修覲禮

也三年春二月六日王發國城三月二日次揚州勅

遣閭門使梁迥內班閭承翰來賜王湯藥茶酒及押

諸司官迎接七日次洪澤驛勅遣供奉官李恩彥至

賜王湯藥一金盒玉鞍轡馬一疋散馬三十疋玳瑁

絨毛暖衣等物及賜從行將校有差十五日王次宿

州又遣入內小底副行首蔡守恩賫詔至仍賜王龍

茶三斤以金盒盛之御酒二十瓶荔枝鶯梨石榴共
六百顆以銀裝籠子盛封十七日王次永城時 太
宗勅遣王世子兩軍節度使惟濬迎候以內班李神
佑領翰林儀鸞御厨諸司隨世子至賜御筵一席是
日王遣平江節度使孫承祐光賚表詣 闕陳謝是
月二十三日王次陳留孫承祐自京至傳宣撫問二
更閣門使梁迥又至復傳宣撫問二十四日王至京
師勅詔 皇太弟開封尹廷美賜宴于迎春苑仍遣
賜王對衣八事玉排方腰帶金器一千兩銀器一萬
兩細衣三十疋玉轡鞍馬一疋是日王安居于禮賢

宅二十六日朝見于崇德殿謝 恩及謝差親王迎
接賜宴于長春殿王進上法酒五百瓶金銀器物三
千兩綾錦一萬龍鳳香等二萬事翌日遣使賜王生
料羊二百口法酒三百瓶粳米二百石襍買錢一萬
緡草料柴炭稱是又賜從行將校等官錢三萬緡二
十九日遣內司省來賜果子三十盒法酒一百瓶蒸
羊食物等十箇三十日詔王宴于後苑王復進寶玉
金銀酒器等三千兩通犀帶一條龍鳳龜魚帶六事
時 太宗命射每中的者即進金銀器三百兩 太
宗中的者六夏四月八日詔王宴于崇德殿二十三

茶三斤以金盒盛之御酒二十瓶荔枝鶯梨石榴共
六百顆以銀裝籠子盛封十七日王次永城時 太
宗勅遣王世子西軍節度使惟濬迎候以內班李神
佑領翰林儀鸞御厨諸司隨世子至賜御筵一席是
日王遣平江節度使孫承祐光賫表詣 闕陳謝是
月二十三日王次陳留孫承祐自京至傳宣撫問二
更閣門使梁迥又至復傳宣撫問二十四日王至京
師勅詔 皇太弟開封尹廷美賜宴于迎春苑仍遣
賜王對衣八事玉排方腰帶金器一千兩銀器一萬
兩細衣三十疋玉轡鞍馬一疋是日王安居于禮賢

宅二十六日朝見于崇德殿謝 恩及謝差親王迎
接賜宴于長春殿王進上法酒五百瓶金銀器物三
千兩綾錦一萬龍鳳香等二萬事翌日遣使賜王生
料羊二百口法酒三百瓶粳米二百石襍買錢一萬
緡草料柴炭稱是又賜從行將校等官錢三萬緡二
十九日遣內司賓來賜果子三十盒法酒一百瓶蒸
羊食物等十廩三十日詔王宴于後苑王復進寶玉
金銀酒器等三千兩通犀帶一條龍鳳龜魚帶六事
時 太宗命射每中的者即進金銀器三百兩 太
宗中的者六夏四月八日詔王宴于崇德殿二十三

日宴王于後苑二十六日詔王宴于南郊御莊王又

上酒器金銀器皿等共二千餘兩王酒酣至暮而歸

第次日遣內司賓賜王御衣紅袍一副綠衣六事實

帶一條金銀酒器三千兩細馬四疋御馬一疋儀鸞

一副是日王進拜表謝 恩仍請以吳越封疆歸于

有司優詔不允 表略曰伏有懇誠貯于肺腑幸因入

天特之從欲臣近蒙賜以鈔復上殿詔書不名仍以

本道呂奉卒徒常營之甲特建回王之號并增師律

之徽分豈可假其龍名詔具隣敵方今幅員無外名

教洞甲豈可冒居自雅外議合從省罷以正等威除

木道軍中器血曾奏納外所有封吳越國王及天下

兵馬大元帥職名並乞解罷凡頌詔命悉願名呼庶

聖朝無虛授之禍 五月三日遣內使賜王湯藥四金

微臣免速亡之禍 五月三日遣內使賜王湯藥四金

盒金器二百兩銀三千兩次日王再上言請之

臣慶

遇承平之運遠修肆觀之儀宸眷彌隆寵章皆極

以承親提義旅尊戴中京略有兩浙之士田討年四

方之僭逆此際蓋隔朝天之路莫諧請吏之心然而

稟號令於闕廷保封疆於邊檄家世承襲已及百年

今者幸遇皇帝陛下嗣守丕基削平諸夏凡在幅

員之內悉歸輿地之圖臣一邦僻在江表職貢雖陳

於外府版籍未歸於有司尚令吳越之民猶隔明唐

之使然委罪莫大焉願以所部十三州獻于陛下

事其地閭里名數別具條折以聞伏望 陛下念

是月六日乃下詔從之

詔曰卿世濟忠貞志遵憲度承百年之堂構有千里

之混同願親日月之光遠忘江海之志甲兵接境

悉上于有司山川田土又盡獻于天府舉宗効順

代所無書之簡編永
彰忠烈所請宜依

於是所部州十三縣八十六戶五十五萬七百兵一

十一萬五千暨民籍倉庫盡獻于朝 帝御崇元殿

受之 是月王麾下將佐軍校聞之皆慟哭曰吾王不歸矣 勅陞揚州爲淮海國

荆王依前守太師尚書令兼中書改封王爲淮海國

王食邑一萬戶寔封一千戶仍充天下兵馬大元帥

仍改賜寧淮鎮海崇文耀武宣德守道功臣以王弟

弘儀弘信並爲觀察使以王子惟濬惟治並爲節度

使十三日賜王淮海國王金印一面仍賜禮賢宅爲

永業十五日又授王子惟演惟灝及未官者子弟并

麾下將校孫承祐沈承禮並爲節度使等官有差又

賜賓幕宰相而下拜官者又二千五百人二十三日

詔王宴于長春殿至暮歸第六月四日詔王宴于後

苑命世子惟濬待坐泛舟于宮池十五日遣入內小

底賜王湯藥四金盒對衣四事八寶玉帶二條法酒

一百瓶二十四日詔王宴于御莊秋七月命京城張

燈於王宅第前後賜設燈山陳樂聲以寵之十八日

詔王宴于崇德殿命世子惟濬待坐爲二十六日遣

使至王第慰問仍賜茶藥一金盒八月六日詔王總

麻以上親並赴 闕授以官爵九日命以杭州修人

馬迎恩等四十五人賜王俾備旦夕宴樂十四日詔
王宴于後苑泛遊宮池二十四日遣內使賜王生辰
禮物九月九日詔王大宴于長春殿歡樂終日二十
日王忽染風疾 太宗傳宣旦夕遣使撫問二十五
日又遣內司賓賜王茶果湯藥等冬十月七日王進
朝謝賜宴于後苑十一月朔 太宗南郊禮畢詔加
王食邑二千戶寔封一百戶十二月八日遣使賜王
蒸羊食物茶果等共十二箇法酒一百瓶二十五日
詔王宴于長春殿至暮歸第特報御前二大燭送焉
乙卯四年春二月朔王入朝賀大宴于苑中 太宗顧

王甚厚飲必命贖王大醉及罷拜不能興 太宗仍
以金裝擔子送王歸第仍以賜之是月 車駕征太
原王請從行翌日詔中使別押諸司供帳御厨從王
每旦夕傳宣撫諭錫賓殆無虛日王小心畏慎每晨
趨 闕必先至宮門假寢以待一日夜漏四鼓清蹕
啓行時風雨大作諸節鎮無一人至者 太宗見王
與世子惟濬稱歎久之謂王曰卿中年宜避風冷自
今入見不須太早乃輟御前四大燭賜焉又召王旦
夕宴飲一日中頓賜王從官酒食再賜衛士羊肩危
酒觀其飲啖 太宗見其雄壯因顧王王進曰王所

謂如扁如貌如熊如羆 上大悅翌日會劉繼元降
上御連城臺誅軍中先亡命於太原者時大臣皆侍
坐 太宗顧謂王曰卿能保全一方以歸于我兵不
血刃深可嘉也仍賜紅袍一副玉鞍轡馬一疋細馬
二疋又賜世子惟濬細馬一疋綵衣一副秋七月
車駕凱旋大行封賞中書進擬加王食邑一萬戶寔
封一封戶以麻卷入御筆改增加王二萬戶寔封二
千戶是月二十六日王入 朝賀進金銀器三千兩
錦綺二百疋即宴王于苑中又命世子惟濬侍坐八
月二十四日遣中使賜王生辰禮物冬十月六日遣

內使賜王法酒二百瓶御食八匱十一月十二日宴
王于長春殿十二月十九日詔王宴于崇德殿酒酣
至暮歸第五年春正月 太宗御朝元殿受朝賀時
王以劔履計殿觀者榮之三月清明節 太宗御大
明殿召王乘馬擊毬凡五籌仍以毬杖引毬以授王
俾王擊之是日宴于殿廡飲必唱籌顧謂王曰卿中
年宜以此娛況今清明令節宜加調護王啓陳謝夏
四月一日王以風疾告假遣御醫中使一日三至第
仍賜湯藥茶果間日一至六月三日 車駕親幸禮
賢宅撫慰再四仍賜金器一千兩錢一萬索銀一萬

兩綾絹一萬疋王遣子惟治進謝秋八月十一日
車駕又臨撫慰親賜湯藥二金盒二十三日遣中使
賜王生辰禮物九月十一日王進朝謝于崇德殿復
上金裝定器二十事水晶碼碯寶裝器皿二十事珊
瑚樹一株冬十月二十一日詔王宴于朝元殿至暮
又以金裝肩輿送王歸第仍以賜焉又以御前二大
燭前導十一月戊午 駕幸大明府王請從駕詔許
賜王肩輿從行七日 太宗獵於城之東時風寒
頗嚴令中使傳宣俾王先回是月二十日 車駕還
京六年春正月王風恙復作遣尚醫中使駱驛而至

自是賜王免朝二月 太宗南郊禮畢制加王食邑
一萬戶寔封一千戶夏五月王尚在風疾遣中使以
紫白水晶菓子盛以金盒襍寶文楸棊枰賜王且諭
曰朕萬機之暇頗留意御疾未痊宜用此自怡一日
內臣趙海常被酒詣王府第將吏以為傳詔者亟稟
于王即進寢室見之海因問王疾何如王曰是疾已
久沉痼今又加之風眩海探懷中出藥百粒以奉王
時王方命茶盡餌之諸子孫及左右惶懼憂駭計無
所出海既去家人皆泣盖有所疑也王笑曰主上待
我甚厚中貴必良藥也翌日 太宗聞之大驚即遣

中使撫慰乃杖海脊二十柱搭坐海於王第門者三日然後流於海島上遣世子惟濬陳謝 太宗撫問久之又賜湯藥一金盒六月十一日王復貢黃金三千兩白金二萬兩秋八月二十四日遣內使賜王生辰禮物翌日 駕幸禮賢宅王疾尚未痊出迎拜不能興 太宗親弔之撫問再四王侍坐進茶 太宗仍賜細茶果二十盒祛風法酒二十瓶又賜王子以下綳帛有差冬十月一日王朝謝于文德殿 太宗大悅攜手撫問良久遂賜宴于長春殿謂王曰卿恙稍可天氣嚴寒宜避風冷日後免入朝王稽顙陳謝

十二月三日遣中使賜欵炭一千擔柴米稱是七年春三月 太宗敕秦王廷美為西京留守夏四月王風疾復發 太宗遣中使慰問賜王湯藥一金盒又遣入內小底以龍鳳蕭笛娛王終日秋八月二十四日遣中使賜王生辰禮物翌日王遣子惟灝進謝貢金銀器皿五千兩八年春正月十三日遣中使賜王珍珠寶燈一座仍命坊市張燈于王第前後俾王怡悅三月三日詔加王食邑二千戶寔封五百戶夏五月遣內使賜王珍珠寶羅傘一龍香涼茶二十斤秋八月二十三日遣使賜王生辰禮物翌日王遣世子

惟濬貢上白龍腦香一百斤金銀陶器五百事銀二萬兩黃金一千兩冬十一月王以天下無事兵革偃息乃讓大元帥及國封表上但許罷兵柄其國封如故仍加王食邑三千戶寔封五百戶十二月六日遣中使賜御筵一席以儀鸞迎送王第近代無比雍熙元年春二月二日 上幸太一宮路由禮賢宅王力疾出見於道旁 上駐輦撫諭至于再三及 駕還命輒他路歸遣中使諭王恐煩迎接徑由他路歸矣夏四月十三日遣中使賜湯藥二金盒秋八月二十三日遣中使賜王生辰禮物冬十月華山陳搏號希

夷先生謁王王問先生得養玄默之道搏曰山野之人何知神仙黃白之術也十二月十一日 太宗郊裡禮畢進封王為漢南國王加食邑二十戶寔封四百戶仍改賜寧海鎮國崇文耀武宣德守道功臣二年春正月 太宗以王善於草隸遣中使取王草書筆迹王以風恙手不能握筆命將往時所書絹圖草字遣世子惟濬同中使以進下詔獎諭仍賜金匣玉硯一副龍鳳墨一百挺紅綠筆一千管盈丈紙二百軸細白絹三百疋幕府宰相洎朝中大臣文士撰一恩賜漢南國王金匣玉硯詩文進 上觀覽命黃絹

國本遣賜王夏四月召王宴于後苑 帝曰春氣暄

和萬物暢茂四海安寧朕當以天下之樂為樂宜令

賞花賦詩五月 駕幸禮賢宅撫慰久之又命王取

平日所書隸書觀看 太宗大悅收取數幅翌日遣

中使賜王御筆二百枝龍墨二十挺紅袍一副秋八

月二十三日遣中使賜王生辰禮物九月九日詔王

扶疾宴于崇德殿是日楚王元佐廢為庶人 元佐太宗長

子也 詔赦鍾愛之囚力救秦王廷美收不解遂發狂

會重九宴諸王元佐以新唐不預諸王歸過元佐遂

患口是齋戒也 因夜縱火

竟其宮 太宗怒詔殺之

冬十月遣內使賜王夫人龍鳳珠冠一頂金三百兩

銀二千兩十一月十五日遣中使賜王幕府將校幣

帛又加授王子惟治等九人官爵有差四年春二月

太宗以王疾未痊詔免入朝改封南陽國王仍賜領

南陽節鉞加食邑二千戶寔封一千戶麻降王復抗

表陳護國事表四上四月王將赴南陽詔免入辭賜

御衣一副襲衣玉束帶一條金器一千兩玉石器皿

一百事銀器一萬兩仍詔山南東道節度使王子惟
濬送王至尉氏縣詔雍州團練使王子惟渲韶州刺
史王子惟灝並從王行是月二十六日王發京師詔
遣中使賜御酒二百瓶龍茶二百斤櫻桃二金盒仍

遣中使押翰林儀鸞御厨送王五月王遣子惟灝詣
闕謝恩貢上鰲山寶樹一座紫金獅帶一條金銀器
四共一萬兩 太宗撫問再四六月 太宗命詔州
刺史王子惟灝歸加王食邑五千戶寔封三百戶仍
賜回信湯藥二金盒茶餅二十匱寶帶一條金器一
千兩銀裝器皿稱是又賜王子惟灝銀二百兩秋八
月王不康勅遣東頭供奉官高品尚醫李密并王孫
相繼而至又遣中使王首宿至賜王生辰禮物仍令
撫問四年春二月勅遣給事中崔灝改封王為許王
加食邑一萬戶寔封二千戶仍改賜安時鎮國崇文

耀武宣德守道功臣端拱元年春正月

太宗籍田

大赦改元二月勅遣中使進王為鄧王加食邑一萬
戶寔封三千戶三月王遣子惟治表賀貢上金飾玳
瑁器四五百事玉器二十事水晶盤四事金二十兩
銀二萬兩錦綺二萬疋羊二百口法酒二百瓶以為
賀禮夏四月 太宗命王子惟治歸賜王御羅袍玉
帶碼碯嵌珍珠酒器八對又報御前金燭臺一對以
賜焉秋七月王復不康 太宗聞之勅遣中使王守
文翰林醫官王佑洎王諸孫駱驛而至仍又勅遣供
奉官詔加王食邑三萬戶寔封五千戶仍賜撫問及

賁御藥一金盒八月王疾稍痊遣子團練使惟渲詣
闕謝恩貢上黃犀帶一大玉帶四金飾酒器一千事
黃絹草書八幅隸字四幅 太宗撫問再四四月勅
遣皇城使李惠河州團練使王繼恩同王子惟渲賜
王生辰禮物因信至王扶疾拜命與來使燕接極歡
二十三日甫時王于寢齋之四軒命左右讀唐書數
篇又命諸子係誦調章詩叶數篇未訖忽風恙復作
四鼓而薨是夕大流星墜于正寢之上光燭滿庭王
天成四年八月二十四日四鼓而生復以端拱元年
八月二十四日四鼓而薨以上記堯寢同一甲子矣
即日王繼恩先還京報訃 太宗聞之哀悼不已詔

王世子惟濬至謂曰朝廷知虛多遜求取元帥財物
極多今未鞠劾者恐累元帥耳請其所遺之物列狀
上之惟濬歸白王王曰王上英明凡大臣有過即自
行何用狀上惟濬懼會因與僚吏等再三堅請曰若
不預言事恐不測王曰且姑休矣我當取業籍考視
之於時盡取當時簿籍命火焚之即召惟濬等至謂
曰我入朝之初荷蒙王上殊常之遇故左右大臣咸
有饋物非獨虛相也豈可見人將溺而加石焉汝等
少年慎勿為此禍福我自當之惟濬等惕懼而退普
聞之召惟濬至深自嘆服稱王寬洪大度事遂寢王

博覽經史手不釋卷平生好吟咏在國中編三百餘篇日以政本同相元德昭翰林學士陶穀皆撰序後文信公搜尋遺墜摠集為十卷撰後序行於世時天禧四年文信公忝機衡之命特詔尊王為尚父王自國初供奉之數無復文案今不得而書唯 太祖

太宗兩朝入貢記之頗備謂之供奉錄今取其大者如豬黃犀帶龍鳳龜魚僊人鰲山寶樹等通犀帶凡七十餘條皆世希之寶也玉帶二十四紫金獅子帶一黃金九萬五千餘兩銀一百一十萬二千餘兩綾羅錦綺二十八萬餘疋色絹七十九萬七千餘疋金

飾玳瑁器一千五百餘事水晶碼碯玉器凡四十餘事珊瑚樹一高三尺五寸金銀飾陶器一十四萬餘事金銀飾龍鳳船舫二百艘銀裝器械七十萬事曰龍腦二百餘斤王自入朝至歸國復入朝 太祖

太宗所賜金器并金物六萬四千七百餘兩銀器四十萬八千八百餘兩玉石器四一萬七千事寶玉帶四十二條錦綺羅紉一十六萬六千三百餘疋御衣并袍襲衣等金盃六頂甲六副金玉鞍轡御馬一十六疋細馬四十八疋馳三百餘疋散馬二千七百二十疋金印四顆玉冊二御劍二口法酒三千餘瓶衛

陸腰帶三千事鳳冠四頂他物稱是

論曰王席累葉之盛擁十三州之饒兼之謀臣戰將如雲如雨藉以常潤為鴻溝割而界之奚不可者宋即奄有中原乎而未嘗稱兵於城下何至北面比肩而一旦輕棄先人土宇若脫菹蕪哉則以忠孝一念實其天性然耳武肅之言曰吾子孫其善事中國毋以易姓廢禮此遺命也而王自汴歸國每臨朝輒避座曰西北神京在焉過石城禮佛云願降殊祥福帝克比其惓惓歸命之誠真可質之天地鬼神而與王祖同一轍者固宜太祖太宗

每事之謂稱之盟世不替也其它持身儉

素馭下寬仁富於詩篇工於筆札焚廬相之賄籍保廢王之令終在它人或以為難而王特疏節耳厥後徽宗賜圖記云天祚忠孝而高宗題臨海草堂亦曰忠孝之家王真無愧哉

吳越脩史第六

附刻吳越備史雜考

詰封奉直大夫吳中二十四世孫受徽輯益津門人江滙海撰

吳越宗派考

備史五卷成於范林二掌記而補遺一卷則越中
比部德洪所纂也承前啓後侈為備矣第世系固
中前乎武肅邈自旌德令而止後乎武肅迄於奉
議郎而止得毋挂一而漏萬耶淵源遼遠支裔蔓
延不有信譜何以收族作宗派考

按我錢氏之先出於少典八世而至陸終之第三子
曰錢鐘者堯封之於彭城是為高伯世本云彭祖也

鍾第二十八子曰孚為周錢府上士因去竹而稱錢實受姓之始自孚而後凡二十四世曰林者自下邳渡江為烏程令因家其之長興六世而至富春侯讓乃江東第一代祖也又二十三世而至武肅王鏐乾寧間誅寇并昌盡有吳越之地三世五王享國百有八年與五代相終始後忠懿王俶以地歸宋賜第於汴總麻以上親凡二千餘人詔俱授官而佩印綬者過半自是子孫八十餘年不得展省於吳越而墳廟荒蕪父老流涕殿中侍御趙忭是以有表忠觀之請七世榮國公忱熙寧間始以使相來浙訪葺諸墳廟。

後奉其母賢穆大長公主扈宋而南又賜第於台之臨海縣榮國三子長祕書郎端仁其五世孫千一公元孫分於蘇之常熟次少府端義其三世孫亞八公璋分於姚之龍泉最少龍苗閣學端禮其五世孫朝請公應孫分於越之會稽他若山陰之西中派則遜王子易之所分也淳安清溪派則文穆三世孫隱之所分也桐鄉派則弼文所分也長樂派則介所分也金華派則適所分也孟岸派則滋所分也長洲派則元璋所分也松江派則良臣所分也常州派則即之所分也鎮江派則武肅五世孫伯一所分也洛陽派

則蒙先所分也吉安派則况所分也新喻新昌派則
冀國公孫忭所分也惟魏國公象祖為閣學之孫其
子孫至今奕葉於台第如累朝誥勅金書鈔券種々
具存而各常熟一支自千一而後又四世而為元都
官昌宗其長子通九公鏞則分於鹿園仲子通十公
玘則分於奚浦自通十而迄於先太學公甸凡六世
至余兒達道孫生韓曾孫建元輩又凡十世去武肅
則二十有七世矣兩塘之間族指以億萬計冠蓋相
望鬢髮如林庶幾視錢塘臨海而輝映為猗與盛矣
原之本之夫孰非神明之胄耶為作支派考附於備

史之後庶幾備其所未備成一家書云耳若夫諸子
姓爵秩名字則自有大宗譜慶系譜流光譜及各支
續譜在茲不復記

吳越國治考

國治在鳳凰山下乃唐以前州治也築城自秦望山
由夾城東亘江干薄錢塘湖霍山范浦凡七十里城
門凡十皆金鋪鐵葉用以禦侮曰朝天門在吳山下
今鎮海樓曰龍山門在六和塔西曰竹車門在望仙
橋東南曰新門在炭橋東曰南土門在薦橋門外曰
北土門在舊菜市門外曰鹽橋門在舊鹽橋西曰西

關門在雷峰塔下曰北關門在夾城巷曰寶德門在
銀山門外魚尾橋蓋其時城垣南北展而東西縮唐
乾寧間楊行密將攻杭州攜僧祖肩密來瞰城祖肩
曰此腰鼓城也擊之終不可得又聞鼓角聲曰錢氏
子孫當貴盛未可圖也其營北凡六曰白壁營在城
南上隅曰寶劍營在鍾公橋北曰青字營在鹽橋東
曰福州營在梅家橋東曰馬家營在修文坊內曰大
路營在褚家塘初王祖以強弩射潮築堤捍國而以
鐵幢識其射處以今驗之去鳳凰山僅二百步許此
足為證

吳越舊宮考

宋行宮即錢王舊宮也皇城九里入和寧門左進奏
院玉堂右中殿外庫至北宮門循廊左序巨瑤幕次
列如真貫祥曦殿朵殿接修廊為後殿對以御酒庫
御藥院慈元殿外庫內侍省內東門司大內都巡檢
司御厨天章等閣廊回路轉乘班排列又轉內藏庫
對軍器庫又轉便門垂拱殿五間十二架長六丈廣
八丈四尺簷屋三間長廣各丈五朵殿四兩廡各二
十間殿門三間內龍墀折檻殿後擁舍七間為延和
殿右便門通後殿殿左一殿隨時易名明堂即祀日

端誠策士唱名曰集英宴對奉使曰崇德武舉及軍
班授官曰講武東宮在麗正門內南宮門外本宮會
議所之側人門垂楊夾道間以芙蓉環朱闌二里至
外宮門節堂後為財帛生料二庫環以官屬直舍轉
外寔予入內宮門廊右為贊導春坊直舍左講堂七
楹扁新益外為講官直舍正殿向明左聖堂右祠堂
後凝華殿瞻策堂環以竹左寢室右齋安位內人直
舍百二十楹左彝齋太子賜號也接綉香堂便門通
繹已堂重簷複屋昔楊太后垂簾於此曰慈明殿前
射圃竟百步環脩廊右博雅樓十二間左轉數十步

雕闌花甍萬卉中出鞦韆對陽春亭清齋亭前芙蓉
後木樨玉質亭梅繞之由繹已堂過錦膳廊百八十
楹直通御前廊外即後苑梅花千樹曰梅岡亭曰冰
花亭枕小西湖曰水月境界曰澄碧牡丹曰伊洛傳
芳芍藥曰冠芳山茶曰鶴丹桂曰天闕清香堂曰本
支百世佑聖祠曰慶和泗州曰慈濟鍾呂曰得真橋
曰洞庭佳味茅亭曰昭儉木香曰架雪竹曰賞靜松
亭曰天陵偃蓋以日本國松木為翠寒堂不施丹雘
白如象齒環以古松碧琳堂近之一山崔嵬作觀堂
為上焚香祝天之所理宗時具知古掌焚脩每三第

觀鐘鳴觀堂之鐘應之則駕典山背芙蓉風帆沙鳥
咸出履舄下山下一溪縈帶通小西湖亭曰清蓮怪
石夾列獻塊逞秀三山五湖洞穴深杳豁然平朗暈
飛翼拱凌虛樓對瑞慶殿損齋緝熙崇正殿之東為
欽先孝思復古紫宸等殿木圍即福寧殿射殿曰選
德坤寧殿青妃昭儀婕妤等位宮人直舍燈聚為東
過園子庫睿思殿儀鸞脩內八作翰林諸司是謂東
華門見西湖游覽志蓋高宗南渡即其地為行宮是
以後人但知有宋故都而不知有錢氏耳

鐵券考

鐵券之制其形如尾方廣約一尺五寸許蓋鑄鐵而
成又鍍金其上者也唐昭宗乾寧四年八月遣使焦
楚錚齎券以賜彭城郡王鏐券之北三百二十二字
晶光閃爍天語溫純擯而藏之家廟久矣家太宗淳
化元年杭州守臣以前券及竹冊玉冊各三副詔詰
百餘函進呈詔賜還忠懿王嗣子惟濬收貯比仁宗
登極霸州防禦使梅侍燕閒談及鐵券進呈錄本及
先朝御書元豐四年特令朝奉大夫權知開封府事
藻進呈鐵券仍降付本家永傳後裔宋元兵破台
城沉之渭水中者五十六年至順二年漁人獲而售

之宗子世瑋家

國朝洪武二年

太祖大封功臣下禮官議鐵券制學士危素奏唐和陵時賜武肅鐵券見在

上遣使即家訪為世瑋子尚德捧詔券及五王遺像以進

上御外朝與宣國公李善長等觀之賜宴中書省命
鑄木為式給還券像二十一年孫克邦以大臣薦赴
闕吏部引見因以錢氏納土至今子孫尚存諭北方
歸降者已見

東宮殿下亦問到今幾代除授江西建昌府知府二
十三年卒于官都察院查勘任內稅糧抄劄到京子
汝賢供係吳越王嫡派有鐵券為照本院官引見蒙
聖旨着孩子靠前來遂於奉天殿丹陛前欽奉

玉音云五代時天下大亂各據偏方爾祖能使兩浙
之民不識兵革到宋朝來知道宋太祖是箇真主便
將土地歸附券與你保守田產家財都給還一時結
紳士夫爭為詩文贈送歸台州即今藏於宗子鳳墀
家雖券字稍有剝落而千年故物世守弗墜云

始祖武肅王以梁開平四年八月築捍海塘怒潮急
瀉晝夜衝激版築不就表告于天云願退一兩月之
怒濤以建數百年之厚業禱胥山祠云願息忠憤之
氣暫收洶湧之潮函詩一章置海門云傳語龍王并
水府錢塘借與築錢城曰採山陽之竹令天人造為
箭三千隻羽以鴻鷺之羽飾以丹珠鍊剛火之鐵為
鏃既成用葦敷地分箭六處幣用東方青九十丈南
方赤三十丈西方白七十丈北方黑五十丈中央黃
二十丈鹿脯煎餅時果清酒棗脯節香淨水各六分
香燈布置以丙夜三更子時屬丁日上酒三行禱云

六丁神君玉女陰神從官兵六千萬人鏐以此丹羽
之矢射蛟滅怪竭海枯淵千精百鬼勿使妄干惟願
神君佐我助我令我功行早就禱訖明日募強弩五
百人以射濤頭人用六矢每潮一至射以一矢射止
五矢潮乃退錢塘東趨西陵餘箭埋于候潮通江門
浦濱鎮以鐵幢誓云鐵壞此箭出又以大竹破之為
籠長數十丈中實巨石取羅山大木長數丈植之橫
為塘依匠人為防之制又以木立於水際去岸二九
尺立九木作六重象易既未濟卦由是潮不能攻沙
土漸積塘岸益固

鐵幢考

按舊臨安志郡人相傳吳越王用強弩射潮箭所止處立鐵幢識之又云錢氏子孫言築塘時高下置鐵幢三以為水則今在利津橋北者其一也幢制首圓如杆徑七八寸許出土約三尺餘其趾人土不知幾許故老又云初置幢時塘猶未成慮潮盪幢用鐵輪護幢趾而以鐵繩貫幢幹且引繩維於塘上下之石鍵然後實土築塘故首出上云此說是也宋淳祐間趙安撫買民地作庭覆幢今亭夷為民居獨存窪地而鐵幢之首嶄然出池中可驗幢本有三故老云一

在舊便民街東南小巷今其巷尚名鐵箭一在舊薦橋門外皆堙塞於民居僅存其在利津橋者又為民居所蔽若不表識久亦堙塞此寔幢也近世有賦鐵箭者遂指此幢為箭認幢首為鏃首不思方射潮時箭已逐潮去矣惡能久存且王雖英雄其所發箭亦不過致一時之精誠未必異於常箭不考而妄作如此可笑又謂其首出土面、可撼而不可拔以為神異此不察其下有關鍵故也至惑於夷堅志之說謂此矢拔則龜目紅其言尤謬作是考以辨之

跋

吳越備史五卷成於范林二掌記而四世孫脩撰公中孚繕而錄之事核而筆精可稱雙絕亡何失去迨七世孫迪功公渙得之臨安蔡子發家遂携以歸猶未登之剞劂也矧忠懿遺事止於戊辰半為缺典以故越中十九世孫比部公德洪授旨於門人馬蓋臣續而補之始刻之姑蘇學署而今貯之西湖王祠中每支塵塵頌得一帙夫大江以南子姓林林總總它姑無論即

吾虞一支又分為奚浦鹿園二派不啻千億藉
令人人而索之錢唐寧獨遠莫能致抑且日不
暇給矣家封公慨然有嘉惠之志以原本槧發
堯中命不肖重梓而又自為雜考六首附諸備
史之末刪訛訂質成一家言猗與盛矣謹合而
鏤之版以眎吾虞宗人家置一帙傳之世世俾
知祖功宗德爛為青史不敢自棄於後云
奉政大夫具中二十五世孫達道百拜謹跋

